

四庫全書

史部

欽定四庫全書

史部

江南通志卷六十八

詳校官給事中臣丁雲錦

檢討

臣

德生覆勘

總校官編修臣王燕緒

校對官助教臣羅萬選

謄錄監生臣羅善慶

欽定四庫全書

江南通志卷六十八

食貨志

田賦

國朝

順治二年欽奉

世祖章皇帝聖諭

本朝平定江南其土田規則悉用前明之舊以萬歷中

賦額起徵仍蠲本年稅額十分之七兵餉十分之四其明季無藝之徵盡永除之

三年奉

旨長洲等縣額糧太重應否酌減江南官戶免役太濫困累小民作何限制著確議具奏

命招撫內院洪承疇訂正江南賦稅經制

四年一切折色徵銀行吏收官解法按明季收銀僉點殷實人戶充當銀頭令其值櫃收銀飯食紙

張恣行賂累拆封之時或有短少責令賠補至是  
痛革前弊縣點櫃書一人擇老成者充之在櫃出  
票登記流水號簿里甲赴櫃完銀遵照司法自封  
投櫃即給印票令其歸農凡一切收拆貯解官吏  
任之與民無關民困遂甦

六年因兵餉不敷將白糧改折正耗等米每石一  
兩二錢

九年奉

旨江南賦稅各項本色責成布政司每年於一月之前確  
查時值據實估定申報督撫咨部查核一面徑行所屬  
州縣照估定時價徵銀解交藩司選委職官領銀採買  
物料裝運解部

十年改折三梭三線布銀其本色布疋俱照時值  
估辦改定料價折色銀應辦本色起運者亦隨時  
估值申報大吏核實編徵

十二年白糧每石改折二兩徵解

康熙元年戶科給事中柯聳請行均田均役之法  
三年允科臣吳國龍疏凡縣派各部等項下錢糧  
悉歸司農總其成徃例各作十分奏銷自是總作  
十分奏銷

四年安慶巡撫張朝珍奏免新陞當塗縣忠惠湖  
田包賦奉

旨豁免仍以湖蕩照舊完蘆漁二課附

張朝珍疏臣惟任土作貢

古今通義因民利國王政所先時或勸墾荒蕪必使民先有其地而後可以辦納

國賦未有以湖作田勒民包課者也如臣所屬太平府當塗縣忠惠圩即舊之丹陽湖也歷來額輸魚課銀三百一十四兩七錢零刊載全書解充兵餉順治十二年蘆政衛貞加徵蘆課銀一百七兩一錢零順治十五年衛貞又任巡按令民築埂周圍丈量作田三萬一千餘畝高淳縣認墾四千餘畝當塗縣認墾二萬七千餘畝三年起科辦納漕糧具

題覆准在戶部止據按臣所報咨催辦漕在工部又有既納蘆課何以忽又歸漕之咨使承斯役者實出兩難至康熙元年當起科之期戶部屢咨嚴催高淳業已刊報由單當塗豈能獨異臣亦惟有嚴督刊入由單按畝起徵無奈湖民紛紛控告及池太道劉二章知府胡季瀛知縣葛元福節次呈詳大畧言丹陽湖三面受水地勢最窪夏秋水漲浩瀚瀾漫冬春水涸一片爛泥止生水草原納草場



漁課屬之工部項下前被衛按院為蘆差時加徵  
蘆課已是一地兩稅及巡歷當塗勒令署縣差時  
化督民築埂圍田上納漕糧數二千七十兩有奇  
然水發波衝旋築旋圮究成水國窮民何能包賠  
非填溝壑則死他鄉上負

朝廷生育下累有司考成等語臣未敢輕信復令該道  
移查高淳納糧事例去後隨據回詳准江寧道行  
據江寧府詳陳丹陽湖出水納水之源歷代勞民  
之弊迄無成功則湖之不可為田固已彰明較著  
矣順治十六年衛按院題請開田改名忠惠部覆  
照例陞科藩司遵催列入由單然一目汪洋既無  
可耕之田焉可責成輸稅此揚京茂有稅命兩懸  
之控也伏乞轉詳撫院咨部定奪庶兩邑百姓無  
追呼賠補之累永戴生成實非淺鮮等語臣始知  
高淳亦未圍築成田也然戶部咨催嚴迅臣督令  
當邑於康熙二年列入由單乃帶徵元年額課竭

力追呼終莫能應要知無地之賦而欲有司違心  
敲扑難乎其為民父母矣迨臣巡歷太郡有鄉民  
數百連名狀共八十五張環署號呼慘不忍聞臣  
諭以親往踏勘果真當為爾民請命衆始稍稍散  
去郡事既竣臣率同府縣各官舟行八十里至丹  
陽湖周圍熟視左右皆湖乃舒泉桐水吳漕水三  
湖匯合之處地勢窪下水漲之時必成巨浸閱新  
築堤埂大約高一丈七八尺詢之土民云大水發  
時猶從埂面漫過况埂尚未築成乎圩中間有蘆  
草然非炊爨之蘆自然而生乃織蓆之蘆亦須人  
工插種其所生茭草止可糞田再則藉水捕魚而  
已由此觀之則前此湖民控告與道府縣歷經呈  
詳為不誣也其高溲地界望之勢雖稍高然亦防  
水冲溢徒費人力至今未曾耕種尚為一片荒蕪  
此江寧府前詳又鑿鑿可據也夫因地取利因地  
利之盈縮以取賦此聖王不易之政故田地山場

各有等則奈何以汪洋澤國強民築埂以成田怒  
濤沖溢旋築旋頽即不惜民命然一派低窪之圩  
有何神術可以稼穡乎在衛按侈一時喜功之念  
在宋令希三年延緩之圖今徵期已及催迫維嚴  
高淳飲痛包賠歲不過二百餘金當邑元二兩年  
共四五千金捕魚織蓆之輩養生不贍而欲一時  
並徵非斃於篝楚之下則有掉臂而往今臣目擊  
最真乃復緘嘿不言使

朝廷虛受加課之名而小民實切剥膚之患則作俑者  
衛貞而隱忍以成之者臣也且臣濫膺

簡命撫綏民間疾苦而民之疾苦莫大於此謹據實繪圖  
上呈

御覽乞

敕該部即為議豁早蘇民困或以漢滿蘆差見在江南令  
其覆勘照舊歸蘆庶窮民無離散之苦有司免考  
成之累地方幸甚官民幸甚

五年奉

旨白糧改折苦民著俱徵本色

是年江南巡撫韓世琦奉

旨實行均田均役

十一年准江南總督麻勒吉巡撫馬祐請裁衛歸

縣衛所錢糧就近併縣徵解

附

麻勒吉疏畧

江寧等十

六衛原設守備十六員千總三十二員管理屯丁黃快丁錢糧查江寧等衛所屯丁黃快丁散在各州縣地方離省寫遠經管守千各官四遠催徵完納不前致逋

國課今若歸各州縣就近徵比頑丁不致恃遠拖欠則糧賦易於完納且衛所本折錢糧不過二十萬散歸各州縣徵收每邑所增無幾又并入地丁考成不煩另案叅罰誠為簡便况江西各衛屯田歸并之後軍民俱各稱便僉運亦無窒碍已有成效則江寧等衛丁田錢糧似應於康熙十二年為始照例歸并州縣徵收至管屯各官內千總三十二員均應裁去其掌印守備十六員若一概議裁恐運官無所統轄事務易至紛淆今應量留守備四員改為四衛分轄運干凡支領錢糧查造冊結開報賢否一以守備印文為憑更屬允當其餘守備十二員應裁去以省糜費

十三年准江蘇布政司使慕天顏請永行均田均

役

附慕天顏疏

臣惟則壤定賦各有應輸之科徵而計畝當差始無偏枯之疾累如

江南州縣大者編戶六七百里小者三四百里每里為一圖每圖有十甲此歷來定額之賦役也乃民間貧富不等所有田地多寡不齊若田多至數十頃而占籍止一圖或窮民僅有田幾畝而當差於一甲是豪戶避役卸累小民而隱占之弊生矣又或貧戶苦累不堪將本名田地寄籍於豪強戶下以免差徭而詭寄之弊生矣又或蠹胥奸里規知小民不諳戶役之事包當里遞替納錢糧代應比較而包攬之弊生矣種種弊端皆因賦役不能均平之故耳夫均田均役之法通計該州縣田地總額與里甲之數將田地均分每圖若干頃畝編為定制辦糧當差田地既均則賦役自平即有科則輕重之別而按畝編甲其輸糧之數不甚相遠且不許豪戶田多隱後苦累小民此法自科臣柯聶條議部覆奉

旨欽遵

在案婁縣故令李復興行之最為得宜松民至今

稱之蘇松等屬做照均編臣任江藩再三飭行無異但民間田地賣買不常每遇編審之期必應推收過割恐有奸蠹乘機炫惑有司變亂成法則貽害無窮若非奉

天語做飭何以永著為例臣請  
敷行嗣後推收編審悉照均田均役聽民自相品搭充足

里甲之數不許多田少役則隱占詭寄包攬諸弊可以永清實有益於民人矣抑臣更有請者有司徵糧若不分良頑混漏完欠并比差擾則小民難堪又查江南各屬田地山蕩灘塗等項名色繁多科糧有至六七十則不等是以刊布由單欸目冗細鄉愚全不知曉臣經詳明督撫設立徵收截票之法計算每戶實徵糧銀分作十限清造截票按月限完一分於開徵日預給便民限單悉照由單編派數目刊列填馮明白俾民曉然自知本名應輸錢糧若干依限完納截票寧家印官止將未截

者摘比事省而不致濫差數清而不擾良戶恐法久弊生恭請

救行永遵者也是不第江南行之有益即直省通行可以興利除弊臣為賦役民生起見敢瀆

宸嚴伏乞  
敕部議覆通飭施行

徵收條約

一行截票

截票之法

每戶額徵計作十分按月一分

納銀入櫃照數截票其截去者歸農未截者摘比

良頑自分此憲檄頒行告誡諄切法至善也奈州縣各逞已見或不查截票而仍比甲催者或已截而仍摘全數或未截而漏摘頑戶者或將截票收掌於糧書措勒完戶者或票雖截而簿未登混淆完欠者或不按應截之月限分數而任意差挈者或併花戶不截欠數總歸里長甲催名下獨累現年者其弊種種不一甚至陽奉陰違擅立滾單火票等項名色濫差厲民酷刑疊摘蠹書賣歿狼皂



索費使已完之良民不獲寧家殊可痛恨今本司  
遵憲發截票格式著令該州縣守令造成用印令  
司櫃吏書隨糧戶完銀之時即登明流水對戶截  
給遵限完者竟自寧家如至一月不截者印官親  
查票根存留未截之戶按名差拘著令完截斷不  
許預行差押亦不許另立比簿並不許留前截後  
如欠戶已完銀截票即免帶比若仍延抗方加責  
徵或有急公良民能並完一年額賦或並納幾月  
幾限者即將本戶之票照數截發量行獎勵以鼓  
舞輸將之衆總之票存則欠票去則完竟查票根  
而比簿可不設也務期有司殫力實行不墮奸胥  
術中則

國課民生從此兩益矣一稽完欠截票之法既行專  
查花戶之截與不截以分完欠有何不清乃仍有  
紛紛混摘者蓋因截法畫一糧書無作弊之實皂  
快無索錢之門不便於已欲亂成規妄稱若照按

月分限良戶雖輸而頑戶不前難應急餉於是印  
官受其煽惑遂不照分數而摘掣矣及比較之時  
止責甲催又不計完欠之多寡一概重加刑罰而  
比簿登數混淆並無實完實欠之數故擢戶謂少  
完亦責多完亦責且受責不分輕重何必急公頑  
者自任其頑而良者亦化為頑矣今專行截票其  
存留未截之數一目瞭然不許用比簿不許比甲  
催於月終吊驗將未截頑戶摘比如前月欠戶於  
次月比較既除完戶之名止將欠戶稽比計通縣  
之戶已少十之八九矣即極疲極頑之邑亦少十  
之六七矣若照通縣里排比較已省力大半且一  
月內上旬中旬下旬三限比較不截頑戶身受三  
限之責尚有不完善者乎但差催不截之戶必須帶  
戶赴比又在印官格一遵行然後良頑允服至於  
流水號簿每見州縣數十里彙為一冊其號至千  
萬之外難於稽核蠹書移圖換甲改戶易數滋弊

實甚本司昔宰錢塘立歸里流水之法每圖一本  
至今稱便行令所屬州縣一體置立逐里挨號登  
記不得仍將通區都圖完數總入流水一簿以杜  
牽濶一禁秤封凡設櫃收銀糧戶自封投櫃永禁  
秤封令行亦不啻再三矣孰意州縣雖革櫃吏秤  
收名色又改立銀鋪估色為名每遇糧戶完銀勒  
赴鋪家經手秤銀入封鈐用私記甚至不論多寡必  
責傾成一錠銀匠火烙方許投櫃於是縣市之積  
奸開張列肆擅握大戮銀色恣意估折加耗甚於  
吏收如此錮弊皆由官吏巧剝民膏先給圖記授  
意輕重間有增不如式啓封時伴喚銀鋪簿懲該  
鋪遂指出糧戶姓名立挈重處小民間風效命封  
封重勒戶戶私加是陽革秤封實則重耗也今本  
司照部頒法馬一樣較準官戮行州縣每里給發  
一把握聽糧戶將官戮秤準入封不許銀匠火烙銀  
鋪估色執戮封銀嗣後如有重勒害民及櫃吏需

索票錢者許被害糧戶首告鋪匠櫃役一併重究但州縣又以銀色青微及封內正數反虧為請者豈人之無良一至此乎此皆印官開勒耗之漸也應飭令州縣果有一二銀色低潮正數稍輕者不得動其原銀列名開數出示曉諭聽糧戶補納不得差票拘拏倘敢虛開捏欠詐即投告提取原封與糧戶對認錠件訊實嚴究其銀色紋足毋論錠件准與收納不必每封傾成一錠致滋耗費一絕差擾差役之為害本司前經列示而州縣獨於糧里之中為尤甚如圖差區皂經催分管等名色各有不同總一役而異其名也因上行革去此等差名遂易一稱呼人仍其舊此輩盤踞衙門承襲頂首糧戶甲催供其魚肉秋收夏熟飽其鯨吞一認役必開派使用數端一開倉必妄取公費幾兩而包收侵啖必累重徵赴限應差又索東道此坐圖之差擾也而承票拘拏之虎役更有甚焉摘一戶

名先索見面錢臨比時完者亦云代候比較勒索  
酒錢若未完者則害不可名狀矣帶比受杖則有  
手輕錢照料錢正身營脫則有買囑錢代杖錢身  
經痛苦復要知會該房一票未銷再發籤差催皂  
層見疊出而前欠一兩用費至二兩正賦究竟未  
納虫虫愚氓何以自悞若此然必因撫字無方濫  
差所致今飭將州縣圖差區皂經催分管諸役名  
色實實革去斷不許留一積蠹於中先取印官甘  
結後有告發以縱庇論而未截票之頑戶不得不  
差拘每里量差一役比完即銷如本月限銀三票  
俱不截者次月初旬即行拘比如止二票不截者  
姑俟中旬拘比一票不截者下旬拘比臨時激勸  
庶幾差拘之中又省差矣倘差役橫肆索詐計贓  
治罪惟勸良民早輸

國課免剝啄之到門省漏卮之吹索矣

是年

命廷臣會議蘇松積欠應否差大臣往查分晰在官在民

應追應蠲左都御史吳正治奏清查善後之策莫若減

蘇松浮糧照常州府一例起科

附

吳正治疏

題為錢糧

積欠有由蘇松額賦偏重故因清查之

上諭請沛酌減之洪恩以除民生永累以培萬世國本

伏念江南財賦之區我

皇上因累年積欠至二三百萬之多特

命廷臣會議應否差大臣往查分晰在官在民應追應蠲

具見

皇上軫念官民至意臣思錢糧之所以積欠者固有其由

不知民生困苦之原從事酌議則清理雖見於一時而拖欠仍貽於後日夫所謂積欠之由亦曰蘇松浮糧而已及今清查善後之策亦曰減蘇松之初洪武以張士誠竊踞姑蘇怒地方之附寇遂取民間租籍照額定課故蘇松額糧不惟與他省輕重懸殊即以接壤之常州一府較之亦加倍不止查常州府每畝科平米一斗五六升下至八升五升不等蘇松浮糧在故明雖已屢減然每畝科三斗七八升至三斗二升二斗五升不等下則之田亦科一斗九升夫田畝之所收非有異於別壤而輸科之逾額獨數倍於他方民力幾何其能堪此在故明雖以私憾定重額原未嘗歲歲徵完今國家任土作貢取民有制普天率土應無異視奈何踵前代之弊政而重因此一方民耶况查他省錢糧積欠並未有如江南之多者是浮增之糧額原

非可完之數而必欠之數也今聽紙上之成數責有司以催科經催則無年不欠帶徵則累案算完豈真民不急公吏不勤事也蓋賦重力竭實難全輸也前此屢經諸臣條奏未蒙

允行在部臣不過以

國計為重不肯輕議減密耳抑思賦詘由於民窮民窮由於額重以每畝科至二三斗有餘之糧又有幫貼有條銀有丁銀有雜項差徭小民一歲收獲不足供一歲之徵輸一值追比嚴急則多方假貸剝肉醫瘡冀免敲扑日復一日則富者漸貧貧者益困而囂然喪其樂生之心萬一戶絕丁逃為累更大是浮糧病民而害且及國也在部臣又以蘇松積逋內有官役透冒非全屬民欠故未便議蠲耳抑思有浮糧是以有民欠有民欠是以有那移歷年那移借解款項紛煩帶徵之官勢不免於叅罰因與蠹役任意侵漁至於官更吏易頭緒淆亂



侵欠難清何妨彼此分肥其透冒之弊不盡民欠未嘗不因民欠所致前此有司迫於考成以欠作完惟有捏報迨水落石出而官役褫革餉竟空懸是浮糧病民亦以病官而究無益於國也日今奉諭清察侵欠自當難掩然一一面察之能一一而追之乎東南民力竭矣臣有以知其不能也故欲杜積欠之弊根必在於除故明重斂而後江南之民庶有起色從此年徵年足無民欠自無那移無那移自無透冒減浮懸困正所以足額裕儲利民利國其道固相因也漢初田租三十而稅一故文景治致殷富論語曰百姓足君孰與不足百姓不足君孰與足我

皇上視民如傷當茲早曠之時實圖修省四海之內無不引領待澤請祈

睿斷立沛

德音將蘇松二府之浮糧酌量議減照常州府一例起科

輸納從此民力稍寬

國課日裕

隆恩出自

皇上億萬載被德無疆矣

十四年以軍糈浩繁將江浙白糧暫為改折每石

一兩五錢

二十年奉

恩詔白糧全徵本色起運

准安徽巡撫徐國相疏請開墾之田寬限陞科

附

疏畧

為請寬陞科之限期以收開墾之實效事竊  
惟足國必先於足民而足民必先於力田未

有田野不闢而可足

國裕民者也矧值軍興未息餉用浩繁則墾荒之法所當汲汲講求以佐司農之仰屋臣查各直省之中惟江南浙西數府素少荒田而江北河南山東等處荒田未墾者甚多即如臣屬鳳廬安滁和五府州屬尚有積荒民屯田地九萬四千三百九十四頃三十一畝零合直省而計之不可勝計在小民豈不知無主荒田墾熟即為己業而年來報墾無幾其故何歟良以開墾荒田所需人力工本靡不數倍於耕種熟田而所獲花利又不能如熟田之豐盈統計數年之所收不能償初墾年之工本又安有餘息以輸賦稅故必寬以起科年限養其餘力使獲息足償工本然後責令墾科庶幾墾者樂於從事今例內墾荒田地定限三年起科即歲歲成熟猶不能補償所費工本倘其間再遇水旱災傷益不能支持而年限已屆追呼踵至不惟生

息全無反有剝肉醫瘡之困是以已墾者不獲遂其樂利之休未墾者咸有畏縮不前之念而荒田終不能盡闢也臣查三年陞科之限雖屬舊例續於康熙十一年間經部覆前督臣麻勒吉地方之凋殘已極等事一疏准於六年後陞科又康熙十二年欽奉

上諭再加寬限通計十年方行起科仰見我皇上軫念小民竭蹶開懇恐催科期迫或致失所之至意

普天之民無不歡欣鼓舞咸思務本盡力試畝於是康熙二十三年分臣屬安廬鳳三屬荒田開墾至三千餘頃臣屬如此他省可知皆蒙皇上寬限起科培養民力之實效也嗣於康熙十五年正

月內部覆臺臣焦榮條奏將康熙十二年以前開墾荒地於十五年起科十三年以後開墾田地仍照前定例於三年後起科固為籌餉起見然陞科之年分既迫而報墾者遂復寥寥如臣屬康熙十

五年分止墾地五百六十九頃三十四畝零十六年分止墾地三百七十三頃七十四畝零在官非不加意督墾以冀紀叙也在民非不樂於開墾以收花利也總因措處工本物力艱難既慮三年之內豐歉難齊復恐三年之後催科緊迫故逡巡畏懼不敢認墾耳是三年陞科之議雖為一時籌餉之權宜而不能為裕

國足民之長策自宜量為寬限庶可鼓勵人心查十年起科乃蒙我

皇

上格外之仁臣亦不敢率請過寬嗣後開墾田地合無

仰懇

睿

慈教節酌復六年後起科之例則追呼既緩自必人人

樂趨將見野無曠土

國課日增寬民力以裕兵餉端有攸賴矣

又准江蘇巡撫慕天顏疏豁免蘇松常等府版荒

田地錢糧於康熙七年為始

附

慕天顏疏

為坍荒  
賠累無

追亟請

皇恩豁免甦民困以召天和事臣惟地震之變

皇上躬行修省

敕將應行應革事宜條奏臣思最重者首在恤民而恤民

之最苦最急者莫若豁免江南坍荒田地錢糧一

事臣查蘇松常坍荒地向來屢經勘駁實有三

千餘頃合算共本折錢糧亦不滿十萬而因此賠

累反致欠多民情之隱苦實實不可勝言蓋坍者

久成白水無土可問荒者磽瘠不毛無法可耕公

占則係地入公家民已失業此種情形前撫臣及

臣任藩司時入覲條奏歷歷繪陳久蒙

皇上洞鑒止因兵興以來軍務倥偬前撫臣無暇親勘故

議暫停俟事平之日議覆因循至今臣撫任三載

正值軍需告急方在生節之時何敢再瀆

宸嚴是以日切焦思而對此包賠之窮民赧顏無以自解  
臣故於自陳不職疏內首列此端為臣罪也然思

我

皇上愛民惟恐一夫不獲恭逢下詔求言之日臣再不言

臣罪益深矣又念此坍荒錢糧如果可徵賠臣又  
何敢即言奈何有糧無田有戶無人歷年地丁條  
折原無完納委係紙上虛數不豁亦無完豁之可  
免累耳惟漕糧一項徒累里甲里甲因此包賠逃  
亡株連不知凡幾官役因此漕欠那移墊買每致  
難清完猶不完也三吳賦重額繁保無頑梗拖欠  
然每歲考成計民間零星尾欠積累而有數萬或  
災患不時民力困竭逋逃者又數萬總以四百餘  
萬之額徵而論亦不可謂之頑矣此有戶有田之  
欠數仍可於年限續完惟坍荒所欠萬萬無從責  
賠臣前於備陳舊欠無徵等事一疏具題蒙  
特恩蠲停者即此坍荒在內也今查前勘坍荒數內如長

洲縣田地新經丈清陞補無缺不議外太倉常熟崑山嘉定華亭上海婁縣青浦宜興九州縣確有

冊荒未畧臣請

皇上下沛恩綸特准開豁容臣再加覆勘細數造冊報部從康熙十七年起扣免於民毋容纖毫捏冒此係永遠甦困培我

國家萬年之樂利非比一時之蠲停將見渙汗一頌民之歌舞雷動於三吳豈不可坐致休祥也哉

二十四年准江蘇巡撫湯斌疏陳逋賦難清乞減

定賦額並另立賦稅重地州縣官考成例

附湯斌

疏臣惟財賦為

國家根本之計而蘇松尤為財賦最重之鄉臣以庸碌謬撫茲土見錢糧累年逋欠每當奏銷之期多



者嘗欠至五十餘萬最少者亦不下三四十萬夙夜疚心懼無以仰佐

國計恒惴惴不安初疑官吏之急玩繼疑豪強之頑梗乃一載以來詢問者碩體察民隱間嘗巡行阡陌訪田則之高下考徵科之多寡然後知蘇松逋賦實由民力維艱斟酌調劑貴在及時敢悉心為

皇上陳

我

之蘇松土隘人稠一夫所耕不過十畝而倚山傍湖旱澇難均即豐稔之歲所得亦自有限而條銀漕白正耗以及白糧經費漕贈五米十銀雜項差徭不可勝計而仰事俯育婚嫁喪葬俱出其中終歲勤動不能免鞭扑之苦故蘇松俗好浮華而獨耕田輸稅之農民艱難實甚兩府與常鎮嘉湖壤地相接而賦額輕重懸殊即江浙閩楚並號財賦之鄉區區兩府田不加廣而可當大省百餘州縣之賦民力所以日絀也夫二府田賦之重固起自

明初臣嘗考洪武年間籍沒張士誠將士誠產號為官田賦額特重而民田之起科較輕永樂以後漕運愈遠加耗滋多宣德正統間巡撫周忱奏減蘇州租七十餘萬石松江租三十餘萬石民困稍甦至嘉靖初蘇州知府王儀請行均田之法盡括官民田而竄益之當時稍救官田之弊但正耗兼配科則繁雜吏易為奸其後以耗米作為正糧又運網諸費額外取之於民因時派徵又如所謂九釐地畝之類日漸增益非復正嘉以前之舊至啓貞時軍餉孔殷加派日繁民不堪命矣

本朝定鼎田賦悉照萬歷年間則例盡革明末無藝之徵洵稱救民水火近年因時制宜如白糧經費運軍行月永折加價等項載在全書其官收官免之法最稱便民不可更易然亦因明朝賦重役繁以耗作正不得已為此補救之計而民力則已殫也順治初年錢糧起存相半考成之例尚寬後因兵

餉急迫起解數多又定十分考成之例一分不完  
難逭部議以四十餘萬錢糧之州縣至與小縣錢  
糧不上數千或僅一二萬者一例考成官斯土者  
雖賢如黃霸魯恭何能自免謫譴夫人千里而來  
為吏誰肯以催科無術甘心廢棄一存顧恤功名  
之念則展轉苟且之計必生或以存留而抵起解  
或以此項而借彼款或以新糧而抵舊欠叅罰期  
迫則以欠作完賠補維艱又以完為欠種種弊竇  
莫可究詰一經發覺身家俱喪官之更代日勤蠹  
胥因之作奸頭緒紛淆侵漁任意雖嚴加追比究  
之款額空懸惟二十二年適遇歲豐二十三年荷  
蒙

聖恩蠲

漕故僅有一二縣地丁全完而他項仍多掛欠又  
以年外報完未副議叙之例夫人才力不甚相遠  
豈他省之吏蘇濟獨優而蘇松之官催科偏拙良  
以百姓之脂膏既竭則有司之智勇俱困而前途

之功名絕望則官箴之砥礪難期心已灰矣地方何賴吏治人才皆足惜也積欠年久惟待赦蠲我國家弘敷大賚每一赦詔蘇松免租多者百萬少者七八十萬是糧額雖重原非可完之數與其赦免於追呼既窮之後何若酌減於徵比未加之先使得完肌膚而樂輸將自無損

國家歲入之實數乎蘇松版荒所在多有臣嘗委官逐一踏勘非盡石田不可耕也祇因田不抵賦力難任役人戶逋逃數家株累小民畏懼而不敢承佃倘蒙

皇恩稍賜寬減其孰不踴躍復業數年之後按畝陞科將見田額漸增

國賦日裕是蠲無益之虛額而收墾田之實課也前此諸臣累累陳請適當軍興旁午餉需告匱之日且俱言前朝苛政欲復宋元之舊事勢難行今賴皇上德威遠播海表日出之邦絕域不庭之國莫不稽手

來享奉琛恐後斯正  
國家休養蒸藜培植根本之時上年

察輿親巡洞見村落蕭條深軫  
聖懷又獨漕免丁帶徵積欠深仁厚澤淪肌浹髓白叟黃

童感極而泣以為生逢堯舜之主視民如傷若地  
方官能以民艱上聞必當大沛恩膏起三百年之  
痼疾臣身在地方義無可諉不敢遠引宋元之說  
亦不敢比常鎮嘉湖之例惟叩懇我

皇上念民力之已竭察虛額之無益

宸衷獨斷渙發德音及此纂修簡明全書之時博集  
廷議將蘇松錢糧

合盤打算各照科則量減一二分定適中可完之  
實數無存過重必欠之虛額更將科則稍加歸併  
使簡易明白便於稽核或將賦額最重州縣另立  
勸懲之典不與小縣一例考成使守令知可以久  
任可以陞遷不至苟且因循事務廢弛庶幾野無

不耕之土戶無不完之租民力裕而吏治清賦稅充而

國用足億萬年太平無疆之休端在是矣臣非不知賦額久定未便更張但體

國經野貴永久而無弊苟有未善正宜變通况前代之苛政乎我

皇上神聖立極事事垂法萬世此尤關國計民生之大者宏謀遠算總自

睿裁非微臣所能仰贊也

二十六年

命纂修簡明賦役新書科臣劉國黼疏乞各省田地賦役

大小等則逐一註明

附

劉國黼疏畧

臣辦事戶垣見各省起科

則例有大地小地上中下地之殊有一二等至六七等三四則至數十則之別不但各省不同即一省之中各府各州各縣亦多互異蓋地形有高下平坡土性有沙鹵肥瘠古人則壤成賦固不能強之使同也但全書之內將各則田地註明折數者固多而遺漏未註者亦復不少臣江南揚州人也即以揚屬而論江都之田一萬七千餘頃額徵銀五萬餘兩全書已註明折數矣若高郵田二萬五千餘頃額徵銀四萬一千餘兩泰州田九千餘頃額徵銀四萬四千餘兩非泰州之田僅高郵三分之一非泰州之賦重於高郵三倍也蓋泰州大地而高郵小地也又如興化田二萬四千餘頃額徵銀二萬八千餘兩寶應田二千餘頃額徵銀二萬餘兩非寶應之田僅興化十分之一非寶應之賦重於興化十倍也蓋寶應大地而興化小地也小地則一畝為一畝大地則數畝折一畝一畝為一

畝則賦輕數畝折一畝則賦重而全書之內皆未  
經註明也今獲編覽各省全書始知大地小地未  
經註明者不獨臣鄉然也臣謂錢糧款項不可不  
簡而田畝大小尤不可不明乞

救下纂修新書諸臣將大小等則逐一註明

### 江南全省田賦

原額田地山塘蕩淒塹塗墩灘等項一百一十五  
萬七千一百四十六頃四十畝有奇 雲霧荒山  
一十六頃三畝九分 草山一千七百二十九里  
有奇 馬田一百七十一頃 屋基一百六十二



間半 畝桑絲一千六百六十三兩六錢 鹽鈔  
六千六百七十八口

除原荒並節年水淹堤占挖廢坍江坍海田地二  
十萬九千七百七十二頃五十八畝有奇 又松  
滌二府州屬折實成田折去一千三百七十五頃  
五十六畝有奇

節年開墾陸科田地一萬三千九百六十四頃八  
十六畝有奇

順治十四年實額田地九十五萬九千九百六十  
三頃一十二畝有奇 雲霧荒山一十六頃三畝  
九分 草山一千七百二十九里有奇 馬田一  
百七十一頃 屋基一百六十二間半 畝桑絲  
一千六百六十三兩六錢 鹽鈔六千六百七十  
八口

節年拋荒坍江坍海遷沙堤占水沈田地二萬九  
千二百三十五頃九十二畝有奇 又廬鳳和三

府州屬折實成田折去二萬七千九百一十四頃  
一十七畝有奇

節年丈增墾荒溢額並蘆洲轉則陞田又歸併海  
門鄉及潁州潁上二衛所田地八萬七千四百六  
十二頃一十一畝有奇 開墾草山八百六十三  
里有奇

康熙二十二年實額田地九十九萬二百七十五  
頃一十五畝一分四釐有奇 雲霧荒山一十六

頃三畝九分 草山二千五百九十三里一分有  
奇 馬田一百七十一頃 屋基一百六十二間  
半 畝桑絲一千六百六十三兩六錢 鹽鈔六  
千六百七十八口

節年坍荒開河堤占水沈田地一萬六千五百八  
十頃四十六畝八釐有奇 又鳳六毫三府州屬  
折實成田折去三千九百二十二頃一畝二分八  
釐有奇

節年陞增溢額田地並蘆草田蕩五萬三千三百  
七頃二十六畝七分四釐有奇 開墾草山四百  
二十六里九分有奇 又金壇縣報荒未豁田二  
百三十三頃三十畝三分九釐有奇 泗州新淤  
地畝二百五十四頃九十九畝五分二釐有奇  
雍正十三年實在田地一百二萬三千五百六十  
八頃二十四畝四分三釐有奇 雲霧荒山一十  
六頃三畝九分 草山三千二十里有奇 馬田

一百七十一頃 屋基一百六十二間半 畝桑  
絲一千六百六十三兩六錢 鹽鈔六千六百七  
十八口

額徵稅糧地畝徭里條鞭折色帶閏補徵時價並  
雲霧山租鹽鈔等銀內除雍正三年蒙

特恩蠲免蘇松浮糧銀四十五萬外實徵銀四百六十八  
萬一千七百二十五兩八錢六分八釐六毫有奇  
遇閏加銀三萬七十六兩二錢二分二釐六毫有

奇

人丁攤入地畝銀四十四萬八千八百七兩八錢  
七分二釐有奇遇閏加銀一千八百六十九兩四  
錢二分一釐八毫有奇

屯丁攤入地畝銀八十九兩七錢

匠班攤入地畝銀一萬一千四百七十七兩六錢  
八分九釐三毫有奇遇閏加銀三錢三分七釐五  
毫

除閏共實徵銀五百一十四萬二千一百一兩一錢二分九釐九毫有奇

額徵漕南並五米二百八十九萬六千四百九十二石二斗二升五合有奇遇閏加米一千三十三石六斗四升五合有奇

麥七萬四千三百八十一石八斗五升三合有奇  
豆二萬八千四百三十八石六斗八升六合有奇  
外不在丁田徵解雜辦銀六萬九千三百一十六



兩一錢四分三釐三毫有奇

內除亳州商稅銀一百一十四兩六錢一

分六釐歸併鳳關徵收

遇閏加銀六百六十六兩八錢八分

二釐七毫有奇

又安慶府屬新增損腳銀三兩三錢三分有奇

米一千四百三十八石五斗九升五合有奇

麥二十五石六斗四升四合有奇

制錢三萬三千六百七十五文五分遇閏加錢七

百五十八文一分

額外歸併省衛外衛原額屯田地四萬二千七十  
一頃三十八畝二釐有奇

節年坍荒田地三百九十六頃五十七畝四分五  
釐有奇

節年陞科並清出溢額田地二千八百一十八頃  
五十五畝九分七釐有奇 又歸併南撫饒三衛  
所並南昌衛前屯田地五百三十九頃一十四畝  
九分二釐有奇

雍正十三年實在屯田地四萬五千三十二頃五十一畝四分六釐有奇

額徵折色銀 萬六千三百三十兩九錢二分八釐一毫有奇遇閏加銀二錢二分六毫有奇

又軍需銀六十兩

屯丁攤入地畝銀二萬四百三十八兩三錢一分六釐六毫有奇

除閏共實徵銀一十萬六千八百二十九兩二錢

四分四釐七毫有奇

額徵本折米一十四萬八千一百九十二石三斗九升八合有奇

麥四千三百三十石五斗一升三合有奇

本折豆三千二百八十九石三斗九升九合有奇  
外不在丁田徵解軍三小料並雜辦銀二千八百四兩七錢五分七釐七毫有奇

制錢十千文

江蘇布政使司

原額田地等項七十一萬九千八百三十六頃六十七畝有奇 蘇州府屋基一百六十二間半

除原荒並節年水淹挑堤公占坍江坍海田地七萬七千一百四十八頃四畝有奇 又松屬山塘蕩淩折實成田折去一千九十七頃一十一畝有奇

開墾陸科田地三頃九十九畝有奇

順治十四年實額田地六十四萬一千五百九十五頃五十一畝有奇 屋基一百六十二間半  
節年坍江坍海遷沙版荒堤占挑廢積荒田地一萬二千八十七頃六十七畝有奇

節年丈增陞科墾荒復業並蘆洲轉則陞田及歸併海門鄉田地三萬五千三百九十八頃九十畝有奇

康熙二十二年實額田地六十六萬四千九百六

頃七十四畝七分七釐有奇 屋基一百六十二間半

節年坍荒田地一萬三千八百一頃八十九畝一釐有奇

節年陞增田地並蘆草田蕩三萬五千六百七十七頃五十八畝八分一釐有奇 又金壇縣報荒未豁田二百三十三頃三十畝三分九釐有奇

雍正十三年實在田地六十八萬七千一十五頃

七十四畝九分六釐有奇 屋基一百六十二間  
半

額徵稅糧地畝徭里條鞭折色銀內除雍正三年  
蒙

特恩蠲免蘇松浮糧銀四十五萬外實徵銀三百二十七  
萬五千八百六十五兩七錢二分一釐四毫有奇  
遇閏加銀三萬七十六兩二錢二分二釐六毫有  
奇



人丁攤入地畝銀二十四萬九百二十二兩三分  
九釐九毫有奇遇閏加銀一千八百六十九兩四  
錢二分一釐八毫有奇

屯丁攤入地畝銀八十九兩七錢

匠班攤入地畝銀七千六百七兩三錢八分六釐  
五毫有奇

除閏共實徵銀三百五十二萬四千四百八十四  
兩八錢四分七釐八毫有奇

額徵漕南並五米二百四十八萬二百一十九石  
五升九合有奇遇閏加米一千三十三石六斗四  
升五合有奇

麥六萬三千九百六十六石六斗三升六合有奇  
豆五千一百八十七石六斗六升一合有奇

外不在丁田徵解雜辦銀四萬一千七百三兩五  
錢九分四釐一毫有奇遇閏加銀二百四十五兩  
五錢七毫有奇

學租錢二萬一千六百文

額外歸併省衛外衛原額屯田地一萬四千四百一十一頃一十四畝二釐有奇

節年坍荒田地三百九十六頃五十七畝四分五釐有奇

節年陞科田地七百一頃六十七畝九分七釐有奇  
雍正十三年實在屯田地一萬四千七百一十六頃二十四畝五分四釐有奇

額徵折色銀二萬四千五百九十四兩九錢五分  
九釐一毫有奇

又軍需銀六十兩

屯丁攤入地畝銀一萬二百九十一兩三錢二分  
一釐六毫有奇

共實徵銀三萬四千九百四十六兩二錢八分七  
毫有奇

額徵本色米五萬六千七百四十石五斗二升五

合有奇

麥三百四十二石四斗三升九合有奇

豆五十六石二斗九升有奇

外不在丁田徵解雜辦銀二千一百二兩九錢四分七釐四毫有奇

安徽布政使司

原額田地等項四十三萬七千三百九頃七十三畝有奇  
池州府雲霧荒山一十六頃三畝九分

廬州府草山一千七百二十九里有奇 滁州

馬田一百七十一頃 畝桑絲一千六百六十三  
兩六錢 鹽鈔六千六百七十八口

除原荒並節年挖廢坍江田塘一十三萬二千六  
百二十四頃五十四畝有奇 又滁州山塘折實  
成田折去二百七十八頃四十五畝有奇

開墾陸科田地一萬三千九百六十頃八十七畝  
有奇

順治十四年實額田地三十一萬八千三百六十七頃六十一畝有奇 雲霧荒山一十六頃三畝九分 草山一千七百二十九里有奇 馬田一百七十一頃 畝桑絲一千六百六十三兩六錢 鹽鈔六千六百七十八口

節年民衛續荒並堤占水沈田地一萬七千一百四十八頃二十五畝有奇 又廬鳳和屬山塘折實成田折去二萬七千九百一十四頃一十七畝

有奇

節年開墾陞科並清出溢額田地四萬三千八百二十九頃六十四畝有奇 開墾草山八百六十三里有奇 又鳳陽府歸併潁州潁上二衛所屯田八千二百三十三頃五十七畝有奇

康熙二十二年實額田地三十二萬五千三百六十八頃四十畝三分七釐有奇 雲霧荒山一十六頃三畝九分 草山二千五百九十三里一分



有奇 馬田一百七十一頃 畝桑絲一千六百  
六十三兩六錢 鹽鈔六千六百七十八口

除鳳六毫屬山塘折實成田折去三千九百二十  
二頃一畝二分八釐有奇 又靈璧縣開河築堤  
栽柳占廢上中下三則地實折實地二十三頃七  
畝七分一釐有奇 臨泗盱五泗州縣水沈田地  
二千五百頃九十畝七分九釐有奇 泗州新減  
田地二百五十四頃五十八畝五分七釐有奇

節年開墾陞科並清出溢額積荒田地一萬七千  
六百二十九頃六十七畝九分三釐有奇 開墾  
草山四百二十六里九分有奇 又泗州新淤地  
畝二百五十四頃九十九畝五分二釐有奇

雍正十三年實在成熟折實田地三十三萬六千  
五百五十二頃四十九畝四分七釐有奇 雲霧  
荒山一十六頃三畝九分 草山三千二十里有  
奇 馬田一百七十一頃 畝桑絲一千六百六

十三兩六錢 鹽鈔六千六百七十八口

額徵稅糧地畝徭里條鞭折色帶閏補徵時價並

雲霧山租鹽鈔等銀一百四十萬五千八百六十

兩一錢四分七釐二毫有奇

內漁課羨餘船稅茶商稅官祠租廉惠田

租厥租抵解正項銀二千九十四兩九錢一分八釐六毫有奇

人丁攤入地畝銀二十萬七千八百八十五兩八

錢三分二釐一毫有奇

匠班攤入地畝銀三千八百七十兩三錢二釐八

毫有奇過閏加銀三錢三分七釐五毫

除閏共實徵銀一百六十一萬七千六百一十六兩二錢八分二釐一毫有奇

額徵漕南並五米四十一萬六千二百七十三石一斗六升六合有奇

麥一萬四百一十五石二斗一升七合有奇

豆二萬三千二百五十一石二升五合有奇

外不在丁田徵解雜辦並鮓魚折價銀二萬七千

六百一十三兩三錢四分九釐二毫有奇

內除毫州商稅

銀一百一十四兩六錢一分六釐歸併鳳關征收 遇閏加銀四百二十一

兩三錢八分二釐有奇

又安慶府屬新增損脚銀三兩三錢三分有奇

米一千四百三十八石五斗九升五合有奇

麥二十五石六斗四升四合有奇

和州廣惠庫制錢一萬二千七十五文五分遇閏

加錢七百五十八文一分

額外歸併省衛外衛原額屯田二萬七千六百六十頃二十四畝有奇

節年陞科並清出溢額田地二千一百一十六頃八十八畝有奇 又池州府屬歸併南撫饒三衛所並南昌衛前屯田地五百三十九頃一十四畝九分二釐有奇

雍正十三年實在屯田地三萬三百一十六頃二十六畝九分一釐有奇

額徵折色銀六萬一千七百三十五兩九錢六分  
九釐有奇遇閏加銀二錢二分六毫有奇

屯丁攤入地畝銀一萬一百四十六兩九錢九分  
五釐有奇

除閏共實徵銀七萬一千八百八十二兩九錢六  
分四釐有奇

額徵本折米九萬一千四百五十一石八斗七升  
三合有奇

麥三千九百八十八石七升四合有奇

折色豆三千二百三十三石一斗九合有奇

每石折銀

七錢共折銀二千二百六十  
三兩一錢七分六釐有奇

外不在丁田徵解軍三小料銀一百六十兩五錢  
六分

又雜辦銀五百四十一兩二錢五分三毫有奇

制錢十千文

漕米加耗



明初民運無脚耗等項至宣德間令民糧兌與軍運  
成化間將徐淮臨德四倉支運亦改兌軍皆給路  
費始各有耗米兌運米俱一平一尖收受故有尖  
米耗米除隨船給運外餘折銀謂之輕齋改兌無  
尖米以耗米二升折銀謂之折易輕齋後通惠河  
成省脚價始立減扣法扣留者以備修理通惠河  
牘量減者以寬民力兌運加耗米應天蘇州松江  
常州鎮江太平寧國池州廬州安慶每石加耗米

五斗六升又兩尖米一斗共六斗六升內除四斗  
隨船作耗餘米二斗六升折銀一錢三分名二六  
輕齋近減去二升止徵二斗四升改為二四輕齋  
於內仍扣留銀一分鳳陽淮安揚州徐州每石加  
耗米四斗六升尖米一斗共五斗六升內除三斗  
隨船作耗餘米二斗六升折銀一錢三分名二六  
輕齋後改為二四與應天府相同南京下江等總  
每石徵脚米六升折銀給運宣德八年題准兌軍

脚耗每石南直隸六斗江北淮揚鳳陽五斗徐州  
四斗正德七年題准輕齎銀兩各司府州縣每年  
務隨正糧一併兌完方許出給通關嘉靖六年議  
准官軍過江領兌蘇州等處者江北三總並廬州  
衛每石脚米一斗三升南京兩總並鎮江衛每石  
七升萬曆元年題准江北三總派兌南糧原定脚  
米一斗三升雇覓江船今瓜洲建牕徑赴水次聽  
兌蠲免七升止徵六升其南京各衛通到水次原

徵七升又免一升止徵六升

明會典

國朝順治十四年准巡按御史秦世貞疏定每正糧百石除正耗外加米五石銀五兩交與旗弁十六年又准科臣朱紹鳳以蘇松常鎮四府糧多路遠領運旗丁不無常例雜費於五兩之外再加五兩其江安等府州俱仍係五米五銀

白糧耗脚

明嘉靖九年奏准蘇松常三府起運內官監白熟細

米每石耗米二斗五升車脚銀四錢船錢銀六錢  
白熟粳米每石耗米二斗八升車脚銀三錢五  
分船錢糙米四斗貼夫四斗七升 供用庫白糧  
每石耗米一斗八升車脚銀三錢五分船錢糙米  
四斗貼夫糙米五斗 光祿寺白糧每石耗米二  
斗五升照此派納不許違例加增 續文獻通考

國朝蘇州府屬白糧每石加耗米三斗續加二斗每正  
耗米一石加春辦米二斗松江府同常州府每正

米一石加耗米三斗春辦米九斗續加耗米每石  
二斗每耗米一石加春辦米二斗

額編白糧經費蘇松常三府每正米一石雇船水  
脚八錢添置提溜二錢車脚由插三錢

按以上俱入條鞭內款

丁銀

康熙五十二年三月十八日

聖祖仁皇帝恩詔海宇承平日久戶口日繁地畝並未加

廣宜施寬大之恩共享恬熙之樂嗣後直隸各地方官  
遇編審之期察出增益人丁止將實數另造清冊奏聞  
其徵收錢糧但據康熙五十一年丁冊定為常額續增  
人丁永不加賦仍不許有司於造冊之時藉端需索用  
副朕休養生息之意

五十五年御史董之燧疏請統計丁銀按畝均派  
戶部議覆各省州縣地畝人丁原有不同隨地制  
宜相沿已久未便更張如有情願買賣地畝而丁

應從地起者其地亦隨買主輸課奉

旨依議

附

董之燧疏畧

續生人丁永不加賦

皇上軫念民生高厚之恩真有加無已但現在人丁尚多偏苦各省州縣丁制亦有不同有丁從地起者丁從人起者丁從地起者其法最善而無知愚民每每急求售地竟地賣而丁存至丁從人起者凡遇編審之年富豪大戶有囑里書隱匿不報而小戶貧民盡入版冊無地納稅亦屬不堪一切差役俱照丁起派以田連阡陌坐享其逸貧無立錫身任其勞既役其身復徵其稅逃亡者有所不免一遇逃亡非親族賠累則

國課虛懸現在人丁之累也嗣後既不增額則有定

數可稽臣請

敕部行令直隸各省地方官確查各縣地畝若干統計地



丁人丁之銀數若干按畝均派在有地者所加無多不為苦無地者得免賠累實為幸

雍正五年總督范時繹

題請以雍正六年為始丁隨田辦奉

旨依議

附

范時繹疏畧

丁銀隨田併征最為均平良法直隸各省歷來丁地分征者節經

題明歸併奉有

俞旨在案今江南各州縣內向有丁銀隨田徵輸者亦有丁田各辦者查各屬田地原有高下之殊按畝起科亦有輕重之別所有丁銀各就本縣地畝均攤為便且可省改造全書之煩至中間成熟銀米科算或照地畝科算亦皆下順輿情便於輸納相應題明以雍正六年為始丁隨田辦以廣

皇仁再山陽一縣每地銀一兩攤徵丁銀一兩六錢有奇

又江寧縣歸併外衛地銀一兩亦攤丁銀一兩二分有奇似乎獨重但按畝而計山陽縣每畝原徵銀一分八釐零今加人丁項不足五分之數江寧歸併外衛每畝徵銀一分九釐零今加人丁項尚不足三分九釐之數再收租納糧均輸猶易若責之無地光丁不無追呼之擾如海州山陽高郵江都四州縣無地軍丁額數無幾均入民田每畝所增不過絲毫之間均應畫一攤徵再安徽等屬尚未造冊詳報但事同一例應概請攤徵俱自雍正六年為始

按丁銀即漢之口

算唐之調宋之丁米當時有授田之制無無田之丁及授田法不行而無田之丁始以丁銀為苦矣  
增除之際吏胥得緣為奸自

聖朝增丁不增賦丁隨田辦而貧民得以安枕為自古  
未有百世不易之良法也 此今條鞭內人丁款

匠班

雍正七年奉

旨准署總督范時繹安徽巡撫魏廷珍江蘇巡撫王璣疏  
將上下兩江匠班銀免徵攤入地畝徵輸附疏畧

各屬匠班銀兩向係按匠徵輸相沿久遠今查安  
徽屬除當塗和州含山三州縣全書原未編有匠  
班毋庸另議外其懷桐等五十七州縣每年額徵  
共銀三千八百七十兩三錢二釐零江蘇屬除山

陽桃源安東以及邳州宿遷雖寧等州縣久在田  
丁內徵解外其上元等六十州縣每年額徵共銀  
七千六百八兩五錢三釐零緣歷年久遠原匠子  
孫逃故無追是以各州縣有於現業匠戶派徵者  
有著族屬親鄰里遞賠補者若攤入田畝徵輸在  
有田之戶所增無幾而手藝貧民受益良多相應  
造具攤徵清冊請  
於雍正七年為始 此條鞭內匠班之款

永折漕糧地方

江寧府屬高淳溧水二縣每正兌米一石連耗折  
銀七錢改兌米一石連耗折銀六錢

淮安府屬安東縣正兌改兌米俱每石連耗折銀

五錢

揚州府屬興化縣每石連耗折銀五錢

舊屬蘇州府今屬太倉州之嘉定縣並嘉定分出  
之寶山縣正兌米每石連耗折銀七錢改兌米每  
石連耗折銀六錢

以上折銀俱入地丁項下徵解順治十六年因  
江寧省衛月糧不敷巡按馬騰陞題定折漕  
州縣每正米一石一例加增銀二錢五分一釐

三毫七絲二忽九微三纖七沙七塵七埃六渺  
二漠徵解江安糧道交納

徽州府屬應徵南米康熙二十八年總督傅臘塔  
以該屬處萬山之中不通舟楫深為苦累 題定  
改折每石徵銀八錢

恩免

山陽清河桃源宿遷安東高郵寶應礪山徐州衛  
等九州縣衛挑河築堤挖廢民屯田地四百四十

六頃九十五畝零雍正九年蘇州巡撫尹繼善  
題請將該額徵銀米麥豆等項自康熙五十一年  
起至雍正五年止悉行蠲免奉

旨依議

沛縣昭陽湖水沈田地二千一百六十八頃七十  
六畝 題定應徵銀米每年冬勘之後涸則次年  
帶徵淹則 題請蠲免雍正十年十二月總漕牲  
桂 題請將湖田本年漕米先行挖除徵收俟冬

勘後如有涸復於次年帶徵奉

旨依議

雍正十二年江蘇巡撫高其倬 題挖廢田地內礪山

縣田地四頃七十二畝零徐州衛屯田三頃六十一畝

零於雍正六七年間淤平各戶丁照額輸將所有山陽

阜寧清河桃源宿遷安東高郵寶應八州縣共挖廢田

地四百三十八頃六十一畝零自雍正六年起至十年

止請將該額徵銀米麥悉予蠲免部覆仍令以後按年



委員確勘有無淤出應徵應免之處報明保題奉

旨依議

十三年十一月十六日署副都御史陳世倌奏  
請農忙停徵總理事務王大臣議定例徵收錢糧  
於農忙之時停徵雍正五年議准條奏頑民恃有  
停徵之例輒轉規避以致積欠嗣後州縣於停忙  
之日查明糧戶限內完半者照例俟開徵後再完  
如未完半之戶仍行追比夫小民辛勤力作一歲

之中五六兩月最為緊要生計於是乎出賦稅於是乎辦誠不可以催科妨其本業况四月限內之不能完半者多因青黃不接無力輸將難因一二頑戶概行徵比即稍緩時日亦可於開徵之後催令完納應如陳世倌所奏請

敕部通行直省嗣後農忙之時仍照舊例概停徵比奉御批所議甚是依議速行

十二月二十七日奉

上諭朕聞淮安府阜寧縣所屬射陽湖地方於雍正五年經齊蘇勒題陞淤地八千一百餘頃陞租銀四千餘兩又康熙五十九年查丈射陽湖北岸淤灘案内有民人周士孔楊景希陞地四百餘頃應陞銀一百七十兩俱係有糧無地小民賠累難堪是以向來積欠累累從未清完今各項舊欠雖已蠲免然將來新賦無出勢必仍行追比甚屬累民著將前項陞地八千六百五十頃四十九畝零租銀四千二百六十一

兩零俱行豁除以甦民困該部即遵諭行

乾隆元年二月十六日奉

上諭朕聞江南淮安府屬之桃源縣徐州府屬之宿遷縣睢寧縣濱臨黃河沿河地畝淹涸靡常雍正五年因朱家口潰決之水復循故道其舊淹田地始得涸出而河臣為地棍所欺遂以此地為新淤之腴產睢寧縣報陞地五千三十九頃宿遷縣報陞地四千七十二頃桃源縣報陞地三千八百四十二頃嗣蒙

皇考世宗憲皇帝勤求民隱特頒

諭旨以淤地勘報不實令河臣會同督臣委員查勘共豁地七千二百餘頃萬民感頌所有存留地五千七百餘頃俱照各縣成例折算實地三千五百餘頃科則亦經減輕其潼安一衛裁汰改歸州縣徵收乃比年以來應納錢糧仍催徵不前蓋此淤出之地畝即舊有之糧田是以民力維艱輸將不繼也朕以愛養百姓為心既洞悉其中情事自當加恩開除以紓民力

著將宿遷睢寧桃源三縣現存新淤涸復改科地糧額徵銀六千五百四兩全行豁免其雍正十三年淤地未完錢糧亦免徵收至水沈地畝仍照例歸於每年冬勘該部即遵諭行

四月十六日戶部議查得署理蘇州巡撫顧琮以蘇松常鎮等府額賦繁重荷蒙

皇上軫念民瘼格外施恩

諭令酌減耗羨以紓民力今分別科則輕重量減差等

請自乾隆元年起一切新舊錢糧將科則最重之  
蘇松太三府州遵減耗羨五分計共減耗銀七萬  
七千三百八十三兩零科則次重之常鎮二府酌  
減耗羨三分計共減耗銀二萬八千一百九十一  
兩零通共減耗銀一十萬五千五百七十四兩零  
再查江省錢糧耗羨自雍正六年提解充公酌定  
加一徵收以為各官養廉並一切地方有定無定  
公費年底造冊核銷通省每年額徵地漕雜稅學

租蘆課等項耗羨共銀三十七萬五千一百七十  
二兩零今除去蘇松常鎮太五府州酌減銀兩外  
實收耗銀二十六萬九千五百九十八兩零每年  
歲需各官養廉及有定無定公費並隨時辦理公  
費每年約需共銀三十三萬四千餘兩以歲入耗  
羨支給計不敷銀六萬四千五百餘兩查有揚海  
兩關額稅之外每年計有盈餘銀約共八萬餘兩  
可否將此盈餘稅銀每年撥給六萬四千五百兩



以資添補統於年底造冊送部核銷俾公事得無  
匱乏等因會同江南總督趙弘恩合詞具題前  
來查江南賦重之區如蘇松常鎮四府較之他省  
幾及數倍應如所請以奉文之日為始飭令各屬  
按數徵收仍通行出示曉諭如有不肖官吏私自  
巧取苛索累民者該督撫即行題叅嚴究再稱  
養廉公費不敷於揚海兩關盈餘銀內動支添補  
亦應如所請統於年底報銷案內造報可也奉

音依議

金...

卷六十八



江南通志卷六十八

欽定四庫全書

史部

江南通志卷六十九

詳校官給事中臣丁雲錦

檢討臣德生覆勘

總校官編修臣王燕緒

校對官助教臣羅萬選

謄錄監生臣羅善慶

欽定四庫全書

江南通志卷六十九

食貨志

田賦

三

江蘇松江府

江寧府

國朝原額田地山塘等六萬八千五百四十七頃八畝  
九分二釐有奇

節年開除丈減坍荒田地一十七頃八十二畝五

分七釐有奇

節年開墾陞增田地五百五十四頃八十八畝八分九釐有奇

雍正八年撥出溧陽縣隸鎮江府額減田地一萬六千四百七十頃五畝四分八釐有奇

雍正十三年實在田地山塘等五萬二千六百一十四頃九畝七分七釐有奇

實徵折色銀二十三萬二千五百二十六兩九錢

四分四釐二毫有奇遇閏加銀六千六百五十兩  
二分六釐八毫有奇

攤徵人丁銀二萬二千二百九十兩六錢四分一  
釐四毫

匠班銀三百二十六兩八錢六分六釐五毫

除閏共實徵銀二十五萬五千一百四十四兩四  
錢五分二釐一毫有奇

實徵本色米一十萬五千八百九十石七斗一升

三合有奇遇閏加米一百二十石

豆二千九百四十七石六斗四升二合有奇

外不在丁田徵解雜辦銀三千八百七兩七錢九分三釐八毫有奇遇閏加銀一十三兩二錢五分二釐二毫有奇

學租錢二萬一千六百文

又不在縣額船桅鈔課程商稅鈔銀七千六百三十三兩六錢一分九釐六毫有奇遇閏加銀二錢

三分五釐九毫有奇

歸併省衛實在田地一萬一千八百四十九頃二  
十七畝五分七釐有奇

實徵銀一萬六千七百九十八兩四錢二分七毫  
有奇

攤徵屯丁銀九千六百一十一兩八錢二分一釐  
六毫有奇

共實徵銀二萬六千四百一十兩二錢四分二釐



三毫有奇

實徵本色米五萬六千五百三十石二斗七升有奇  
豆五十六石二斗九升有奇

外不在丁田徵解雜辦銀二千一百二兩九錢四  
分七釐四毫有奇

上元縣實在田地山塘坍塌雜產八千八百一十  
一頃一十八畝一釐有奇

內則例 每畝計算  
上鄉田科銀五分一毫有奇 五銀一釐七毫有

奇

米四升四抄有奇 豆八勺有奇 五米一合

七勺有奇

下鄉田科銀四分六釐二毫有奇 五銀一釐五

毫有奇

米三升五合有奇 豆七勺有奇 五米一合

五勺有奇

上鄉地科銀二分七釐四毫有奇 五銀九毫有

奇

米二升二合有奇 豆四勺有奇 五米九勺

有奇

下鄉地科銀二分四釐二毫有奇 五銀八毫有

奇

米一升八合五勺有奇 豆二勺有奇 五米

八勺有奇

蘆地科銀五分四釐八毫有奇 五銀一釐九毫

有奇

米四升四合七勺有奇 豆九勺有奇 五米

一合九勺有奇

草場地科銀四釐四毫有奇 五銀一毫有奇

米三合六勺有奇 豆七抄有奇 五米一勺

有奇

山塘雜產科銀七釐八毫有奇 五銀二毫有奇

米六合三勺有奇 豆一勺有奇 五米二勺

有奇

原荒田科荒徵銀一分七釐六毫有奇

告改荒田科荒白銀一分六釐二毫有奇

原荒地科荒白銀一分有奇

告改荒地科荒白銀八釐七毫有奇

告改荒坵塌科荒徵銀二釐四毫有奇

陞科田科銀六分

陞科地科銀三分

陞科山科銀一分  
陞增塘科銀一分

陞溝科銀五釐

陞埂脚科銀三釐三毫有奇

陞拋荒坍塌科銀一釐

每兩攤徵人丁銀九分一釐九毫有奇  
匠班銀二毫有奇

實徵折色銀三萬三千八百四十兩三錢一分六

釐六毫有奇遇閏加銀一千三百八十二兩二錢

八分八釐九毫有奇

攤徵人丁銀三千一百一十兩七錢九分九釐四

毫

匠班銀九兩

除閏共實徵銀三萬六千九百六十兩一錢一分  
六釐有奇

實徵本色米二萬七千七十五石一斗四升九合  
有奇遇閏加米三十石

豆五百三十一石一斗二升五合有奇

外不在丁田徵解雜辦銀三百六十六兩九分二

釐五毫有奇

內草場租並丈租陞科銀二百三十兩一錢六分八釐四毫有奇學

租銀一百三十二兩九錢二分四釐一毫

歸併省衛實在田地山塘一千二百五十六頃一

十五畝七分七釐有奇

內則例每畝計算

比田科米八升六合有奇

銀九釐二毫有奇

科田科米五升八合有奇

銀六釐七毫有奇

增田餘田俱科米五升八合有奇

銀一釐七毫有奇

久荒成熟田科米五升八合有奇

銀一釐七毫有奇

租豆地科豆一斗三升

久荒折糧比田科銀二分

久荒折糧增田科銀一分五毫

荒比田科銀二分六釐六毫有奇

荒科田科銀一分八釐五毫

荒增田科銀一分三釐五毫

荒增餘田科銀一分七釐五毫有奇

投誠開墾荒地科沙壓銀三分六毫有奇

開墾營基地科銀一分三釐五毫

沙壓地科銀一分六釐二毫

田塘租地科租銀五分

草場田地科租銀四分

首蓆田地二則一則科租銀七分一則科租銀五分

荒山科租銀三分

荒山塘科租銀二分

荒石山四則一則科租銀一分一則科租銀五釐  
一則科租銀四釐一則科租銀二釐

投誠開墾天地壇神基厨房營馬羣等田二則一  
則科壓租銀六分一則科銀三分

每兩攤徵屯丁銀五錢三分三釐四毫有奇

實徵銀三千七百四十六兩四錢八分二釐七毫  
有奇

攤徵屯丁銀一千九百九十五兩九錢五分

共實徵銀五千七百四十二兩四錢三分二釐七  
毫有奇



實徵本色米二千六十六石二斗二升二合有奇  
豆五十六石二斗九升有奇

外不在丁田徵解雜辦銀一千一百一十八兩七

錢五分三釐有奇

內房租銀一千一百一十五兩  
四錢四分五釐七毫有奇火

藥銀三兩三錢七釐二毫有奇

江寧縣實在田地七千五百六十三頃六十一畝

一分九釐有奇

內則例每畝計算

民徵熟田科銀四分三釐三毫有奇 五銀一釐

七毫有奇

米四升七合有奇 豆九勺有奇 五米一合

七勺有奇

欺隱田科銀四分七釐四毫有奇 五銀一釐九

毫有奇

米四升四合有奇 豆一合有奇 五米一合

九勺有奇

荒田科荒白銀一分八釐八毫有奇

荒難田科荒白銀一分

民徵熟地科銀二分一釐九毫有奇 五銀八毫

有奇

米二升六勺有奇 豆四勺有奇 五米八勺

有奇

欺隱地科銀二分五釐一毫有奇 五銀一釐有

奇

米二升三合有奇 豆五勺有奇 五米一合

有奇

荒地科荒白銀一分

荒灘地科荒白銀五釐

山塘科銀六釐二毫有奇 五銀二毫有奇

米五合九勺有奇 豆一勺有奇 五米二勺

有奇

每兩攤徵人丁銀七分六釐七毫有奇

匠班銀五絲有奇

實徵折色銀二萬六千七百一十四兩一錢四分

四釐四毫有奇遇閏加銀一千五百八十一兩二

分六釐二毫有奇

攤徵人丁銀二千四十八兩五錢四分二釐

匠班銀一兩三錢五分

除閏共實徵銀二萬八千七百六十四兩三分六釐四毫有奇

實徵本色米二萬五千一百四十七石二斗一合有奇  
遇閏加米二十四石

豆五百五十二石九斗三升九合有奇

外不在丁田徵解雜辦銀三百六十二兩八錢二

分九毫有奇

內草場租並丈增銀二百六十九兩四錢八分二釐三毫有奇  
學租銀

四十八兩七錢四分七釐四毫坊廂房地荒難  
租銀四十四兩五錢九分一釐二毫有奇

學租錢二萬一千六百文

歸併省衛實在田地九百三十八頃四十九畝五

分八釐有奇

內則例每畝計算

比田科田增田餘田科則與歸併上元縣同

久荒折糧比田科銀二分六釐六毫有奇

久荒折糧科田科銀一分八釐五毫

久荒折糧增田餘田俱科銀一分三釐五毫

沙壓折糧比田投誠墾荒田俱科銀三分六毫有奇

沙壓折糧餘田科銀一分六釐二毫

沙壓折糧田科銀九釐

草場田地六則一則科租銀八分一則科租銀六分五釐一則科租銀六分一則科租銀五分一

則科租銀四分一則科租銀三分

草場田並蘆地科租銀二分

草場並灘地科租銀一分

草場地二則一則科租銀六釐一則科租銀五釐

草地溝埂基地科租銀二釐

首蔴地三則一則科租銀七分一則科租銀六分一則

科租銀五分四釐

田塘租地並未豁園地科租銀五分

攤徵屯丁銀一分九釐六毫有奇

實徵銀一千七百九十六兩二分七釐九毫有奇

攤徵屯丁銀一千八百四十七兩二分五釐

共實徵銀三千六百四十三兩五分二釐九毫有奇

實徵本色米五千九十五石三斗九升九合有奇

外不在丁田徵解雜辦銀五百七兩七錢七釐五

毫有奇

內房地租銀五百七兩五錢四分一釐八毫有奇  
火藥銀一錢六分五釐七毫有

奇

句容縣實在田地山塘蘆蕩草塌一萬四千五百

頃七十二畝八分八釐有奇

內則例 每畝計算

徵田科銀五分九釐六毫有奇 五銀一釐八毫

有奇

米四升二合有奇 豆六勺有奇 五米一合

八勺有奇

荒田科荒白銀四分一釐二毫有奇

徵地科銀二分六釐有奇 五銀八毫有奇

米一升八合有奇 豆二勺有奇 五米八勺

有奇

荒地科荒白銀二分八釐七毫有奇

山科銀五釐四毫有奇 五銀一毫有奇

米三合八勺有奇 豆五抄有奇 五米一勺

有奇

塘科銀八釐七毫有奇 五銀二毫有奇

米六合三勺有奇 豆九抄有奇 五米二勺

有奇



荒蕩塌科銀八釐七毫有奇 五銀二毫有奇

米六合三勺有奇 豆九抄有奇 五米二勺

有奇

每兩攤徵人丁銀一錢二分二釐六毫有奇

匠班銀四釐八毫有奇

實徵折色銀五萬五千四百一兩八錢七分六釐

六毫有奇遇閏加銀一千三百二十兩一錢七分

六釐四毫有奇

攤徵人丁銀六千七百九十六兩五錢

匠班銀二百六十九兩五錢五分

除閏共實徵銀六萬二千四百六十七兩九錢二分六釐六毫有奇

實徵本色米四萬二十九石一升九合有奇遇閏加米一十八石六斗

豆五百七十四石三斗二升一合有奇

外不在丁田徵解雜辦銀八百一十五兩九錢七

分三釐八毫有奇

內草場租並丈增銀六百一十三兩一錢一分六釐一毫有奇

學租銀二百二兩八錢五分七釐七毫

歸併省衛實在田地四十七頃七十九畝八分二

釐有奇

內則例 每畝計算

比田科田增田餘田科則與歸併上元縣同

久荒折糧比田科銀二分五釐

久荒折糧科田科銀一分八釐五毫

久荒坍江比田科銀二分六釐六毫有奇

久荒坍江增田餘田俱科銀一分三釐五毫

投誠開墾荒田科沙壓銀三分六毫有奇

實徵銀七十兩五錢四分八釐六毫有奇

實徵本色米二百二十九石五斗三升有奇

溧水縣實在田地山塘溝壩一萬九百七十四頃

九十一畝四分四釐有奇

內則例 每畝計算

徵田科銀八分二釐一毫有奇

米五合一勺有奇 豆八勺有奇

荒田科荒白銀一分五釐九毫有奇

廢田科荒白銀五釐三毫有奇

湖灘草場科荒白銀三釐二毫

徵地科銀二分六釐六毫有奇

米一合六勺有奇 豆二勺有奇

荒地科銀一分三釐三毫有奇

米八勺有奇 豆一勺有奇

山塘科銀七釐四毫有奇

米四勺有奇 豆七抄有奇

溝壩科銀三釐七毫有奇

米二勺有奇 豆三抄有奇

每兩攤徵人丁銀八分一釐二毫有奇

匠班銀二毫三絲有奇

實徵折色銀五萬二千八百七十一兩五錢四分

四釐有奇遇閏加銀四百三兩一錢四分九釐五

毫有奇

攤徵人丁銀四千二百九十六兩二錢五分

匠班銀一十二兩二錢七分一釐五毫

除閏共實徵銀五萬七千一百八十兩六分五釐

五毫有奇

實徵本色米三千三百一十三石六斗五升九合  
有奇遇閏加米二十五石八斗

豆五百四十三石五升九合有奇

外不在丁田徵解雜辦銀三百二兩八錢八分八

毫有奇

內草場租並陞增銀九十兩一錢九分四釐六毫有奇

魚戶銀一百五十兩五錢

八分六釐七毫有奇 學租銀六十二兩九分九釐四毫

遇閏加銀四兩五錢八分七釐六毫有奇

高淳縣實在田地山塘柳墩草場七千三百四十

四頃二十七畝一分二釐有奇

內則例 每畝計其

熟田科銀八分九釐五毫有奇

米二合四勺有奇 豆一合五勺有奇

荒田科銀一分一毫有奇

米二勺有奇 豆一勺有奇

熟地科銀二分五釐四毫有奇

米七勺有奇 豆四勺有奇

湖熟地科銀一分二釐二毫有奇

米三勺有奇 豆二勺有奇

山塘柳墩科銀四釐有奇

米一勺有奇 豆七抄有奇

草場地科銀五釐有奇

米一勺有奇 豆九抄有奇  
每兩攤徵人丁銀三分六釐一毫有奇  
匠班銀七毫有奇

實徵折色銀四萬二千九百四十五兩一錢一分  
二釐八毫有奇遇閏加銀二百七十三兩五錢三分  
二釐三毫有奇

攤徵人丁銀一千五百五十二兩六錢五分

匠班銀三十兩一錢五分

除閏共實徵銀四萬四千五百二十七兩九錢一



分二釐八毫有奇

實徵本色米一千一百八十石七斗一升四合有

奇遇閏加米八石四斗

豆七百四十六石一斗九升七合有奇

外不在丁田徵解雜辦銀六百七十一兩五分二

釐四毫有奇

內草場租銀二百七十二兩四錢四分八釐  
學租銀三十一兩九錢四

釐 魚戶出辦本折麻膠魚課鈔銀三百二兩八錢三分三釐一毫有奇  
象湖租銀五十九兩五

錢九分五毫  
密冶鈔銀七分六釐八毫有奇  
義田租銀四兩二錢

遇閏加銀八兩四錢八分七釐四毫有奇

江浦縣實在田地山塘基蕩水漾泥灘二千三百

八十二頃三十四畝有奇

內則例每畝計算

徵田科銀六分四釐八毫有奇 五銀一釐九毫

有奇

米三升九合有奇 五米一合九勺有奇

廢荒田科銀一分一釐九毫有奇 五銀三毫有

奇

米七合三勺有奇 五米三勺有奇

海荒田科荒白銀二分五釐七毫

高田科荒白銀一分四釐一毫有奇

徵地科銀三分五釐二毫有奇

米二升一合有奇 五米一合有奇  
基地科銀二分八釐一毫有奇 五銀八毫有奇

米一升七合有奇 五米八勺有奇

在總基地科銀一分四釐有奇 五銀四毫有奇

米八合六勺有奇 五米四勺有奇

漁荒地科荒白銀一分一釐七毫有奇

低窪地科荒白銀六釐七毫有奇

山科銀一分一釐九毫有奇 五銀三毫有奇

米七合三勺有奇 五米三勺有奇

荒山科銀五釐九毫有奇 五銀一毫有奇

米三合六勺有奇 五米一勺有奇

塘科銀二分二釐九毫有奇 五銀六毫有奇

米一升四合有奇 五米六勺有奇

荒塘科銀一分一釐四毫有奇 五銀三毫有奇

米七合有奇 五米三勺有奇

水漾泥灘科荒白銀三釐

每兩攤徵人丁銀一錢四分九釐一毫有奇  
匠班銀三毫一絲有奇

實徵折色銀一萬一千四百五十四兩七錢六分  
四釐二毫有奇過閏加銀八百四十二兩六錢四  
分五釐八毫有奇

攤徵人丁銀一千七百八兩四錢

匠班銀三兩六錢三分六釐

除閏共實徵銀一萬三千一百六十六兩八錢二  
毫有奇

實徵本色米七千四十石三斗四升九合有奇遇  
閏加米三石六斗

外不在丁田徵解雜辦銀二百七十四兩七錢四

釐三毫有奇

內草場租並陞增銀一百九十四兩  
五錢二分二釐七毫有奇 學租銀

八十兩一錢八分一釐五毫有奇

歸併省衛實在田地二千一十九頃五十畝一分  
有奇

內則例每畝計算

比田科田增田餘田科則與歸併上元縣同

開墾營基地科銀一釐七毫有奇  
米五升八合有奇

坍江徵糧田科銀一毫二絲有奇  
米四合一勺有奇

坍江折色田科銀九毫五絲  
沙壓折銀比田科銀三分六毫有奇

沙壓折糧科田科銀二分一釐二毫  
沙壓增田科銀一分六釐二毫

沙壓折糧餘田二則一則科銀一分六釐二毫一  
則科銀一分三釐五毫

沙壓折糧田科銀九釐  
投誠開墾田科沙壓銀三分六釐有奇

久荒折糧比田二則一則科銀一分八釐五毫一  
則科銀一分三釐五毫

久荒折糧增田餘田俱科銀一分三釐五毫  
久荒折色增田科銀一分六釐二毫有奇

草場田二則一則科銀八分一則科銀六分

草場地二十則一則科銀五分三釐一則科銀五

分一則科銀四分五釐一則科銀四分一則科

銀三分一則科銀二分八釐一則科銀二分五

釐一則科銀二分一則科銀一分七釐一則科

銀一分六釐一則科銀一分五釐一則科銀一

分三釐一則科銀一分二釐一則科銀一分一

則科銀九釐一則科銀八釐一則科銀六釐一

則科銀五釐一則科銀三釐一則科銀二釐

首管田地科租銀七分

租地科租銀五分

每兩攤徵屯丁銀六錢四分三釐有奇

實徵銀二千八十兩五錢六釐一毫有奇

攤徵屯丁銀一千三百三十四兩五錢一分六釐

五毫

共實徵銀三千四百一十五兩二分二釐六毫有奇  
實徵本色米九千二百九十九石九斗二升四合  
有奇

外不在丁田徵解雜辦銀一百四十兩七錢九分

四釐八毫有奇

內蘆麥地租銀一十八兩一錢七分二釐五毫有奇

房地租銀一

百一十三兩六錢九分七釐九毫 火藥銀八兩  
九錢二分四釐三毫有奇

六合縣實在田一千三十七頃五畝一分二釐有奇



內則例每畝計算

徵田科銀九分五釐四毫有奇 五銀九毫有奇

米二升一合有奇 五米九勺有奇

軍馬田科銀一分七釐

撒餘田科銀六分八釐三毫有奇

荒白田科銀四分四釐

每兩攤徵人丁銀二錢九分八釐六毫有奇

匠班銀九絲七忽有奇

實徵折色銀九千二百九十九兩一錢八分五釐

二毫有奇遇閏加銀八百四十七兩二錢七釐四

毫有奇

攤徵人丁銀二千七百七十七兩五錢

匠班銀九錢九釐

除閏共實徵銀一萬二千七十七兩五錢九分四釐二毫有奇

實徵本色米二千一百四石六斗二升有奇遇閏加米九石六斗

外不在丁田徵解雜辦銀一千一十四兩二錢七

分八毫有奇

內商稅並昌平州銀八十七兩四錢九分九釐六毫草場租並陞增銀

五百九十五兩八錢二分五釐七毫有奇

出辦銀六兩二錢四釐八毫有奇

魚戶  
梳鈔銀三十

二兩七錢六分六釐六毫 餘鈔銀三十三兩六錢五分二釐四毫 商稅協濟銀二百一十三兩四分九釐九分二釐六毫 學租銀四十四兩八錢二分九釐

遇閏加銀一錢七分七釐有奇

歸併省衛實在田地七千五百八十七頃三十二畝二分九釐有奇

內則例每畝計算

比田科田增田餘田科則與歸併上元縣同

又科田一則科銀五釐九毫有奇

米三升二合有奇

久荒比田科田增田餘田科則與歸併江寧縣同  
又久荒科田一則科銀二分六釐六毫

又久荒餘田一則科銀一分六釐二毫  
沙壓科田餘田俱科銀一分六釐二毫

投誠開墾荒田並教場地科銀三分六毫有奇  
草場田八則一則科銀八分一則科銀六分一則

科銀五分一則科銀四分一則科銀三分五釐  
一則科銀三分二釐一則科銀三分一則科銀  
二分五釐

草場田地溝埂塘沙灘科租銀二分一釐

草場營基地科火藥銀二分一釐  
草場田地塘並荒地科租銀二分

草場田地五則一則科租銀一分五釐一則科租  
銀一分一則科租銀五釐一則科租銀三釐一

則科租銀二釐  
流塘田科銀四分

田塘租地科銀五分  
每兩攤徵屯丁銀四錢八分七釐一毫有奇

實徵銀九千一百四兩八錢五分五釐二毫有奇  
攤徵屯丁銀四千四百三十四兩三錢三分一毫  
有奇

共實徵銀一萬三千五百三十九兩一錢八分五  
釐三毫有奇

實徵本色米三萬九千八百三十九石一斗九升  
三合有奇

外不在丁田徵解雜辦銀三百三十五兩六錢九

分一釐九毫有奇內房田地租銀一百三十八兩八錢七分九毫有奇集租銀  
一百七十八兩四錢九分九釐 火藥銀一十八兩三錢二分二釐有奇

蘇州府

國朝原額田地山蕩塹淩灘塗九萬五千四百七十一頃三十三畝六分六釐有奇屋基一百六十二間半

節年坍荒田地七百一十四頃三十一畝有奇

節年陞增田地等五千九十四頃三畝九分九釐

有奇

雍正二年分太倉州為直隸領崇明嘉定二縣額  
減田蕩塗三萬七千八十五頃八十六畝五分九  
釐有奇十三年劃隸通州沙地九十九頃八十畝  
二分一釐有奇

雍正十三年實在田地山蕩灘等六萬二千六百  
六十五頃三十九畝八分五釐有奇屋基一百六  
十二間半

實徵折色等銀內除雍正三年蒙

恩免浮糧銀一十九萬九千九百八兩八錢三分四釐九毫外實徵銀六十五萬二千五百十三兩六錢五釐二毫有奇遇閏加銀六千二百三十五兩八錢六分七釐四毫有奇

攤徵人丁銀一萬五千一百七十六兩三錢八分六釐八毫有奇遇閏加銀五百五十七兩二錢四釐有奇



匠班銀二千九百六十二兩七錢七分三釐四毫  
有奇

除閏共實徵銀六十六萬八千三百九十二兩七  
錢六分五釐四毫有奇

實徵本色米九十一萬七十石六斗一升五合有  
奇遇閏加米一千二十五石二斗九升二合有奇  
麥一千七百六十五石七斗五升六合有奇

豆六百六十二石三斗六升九合有奇

外不在丁田徵解雜辦銀二千二百五十四兩九錢九分二釐八毫有奇

長洲縣實在田地山蕩七千一百七十八頃四十六畝一分三釐有奇

內則例每畝計算

官田二則一則三斗七升五合一則三斗

民田十七則一則二斗八升一則二斗六升一則

二斗五升一則二斗三升一則二斗一則一斗

八升一則一斗六升一則一斗五升一則一斗四

升五合一則一斗四升一則一斗三升六合七

勺一則一斗三升一則一斗二升一則一斗一

升一合一則一斗九合一則一斗三合五勺一

地則一斗三合  
四則一則三斗七升五合一則二斗八升一則

一斗三升一合五抄一則五升  
水塹一則一斗三升三合

蕩九則一則一斗一則七升一則六升五合五勺  
一則五升一則四升四合一則四升一合一則

三升五合一則三升三合一則三升  
山蕩三則一則三升一則二升一則一升五合

每石驗派稅糧除減賦外實徵銀二錢三分五釐  
七毫有奇 十銀四分三毫有奇

本色米五斗六合有奇 豆三勺八抄有奇  
麥一合一抄有奇 五米二升一勺有奇

荒田平米每石折徵荒銀除減賦外實徵銀三錢  
七分九釐六毫有奇

每畝派地畝銀六釐六毫有奇 徭里銀一分三  
釐一毫有奇

每石攤徵人丁銀八釐七毫有奇

匠班銀一釐四毫有奇

實徵折色銀八萬一千五百八十五兩四分二毫  
有奇遇閏加銀八百二十九兩九錢二分三釐三  
毫有奇

攤徵人丁銀一千九百三十七兩九錢一分七釐  
四毫有奇遇閏加銀七十四兩五錢五分七釐二  
毫有奇

匠班銀三百一十二兩七錢

除閏共實徵銀八萬三千八百三十五兩六錢五分七釐六毫有奇

實徵本色米一十一萬八千三百五十一石三斗六升三合有奇遇閏加米一百六十一石七斗三升六合有奇

麥二百二十三石八斗五升九合有奇

豆八十三石九斗七升六合有奇

元和縣實在田地山蕩漫六千一百六十六頃九

十三畝六分九釐有奇

內則例 每畝計算

官田二則一則三斗七升五合一則三斗

民田十八則一則二斗八升一則二斗六升一合

七勺一則二斗六升一則二斗五升一則二斗

三升一則二斗一則一斗八升七合五勺一則

一斗八升一則一斗六升一則一斗五升一則

一斗三升一則一斗二升五合八勺一則一斗

二升五合一則一斗二升一則一斗一升九合

一則一斗一升三合一則一斗九合一則一斗

三合一

地五則一則三斗七升五合一則二斗八升一則

一斗三升一合五抄一則六斗一則四斗

塹一則一斗三升三合

溝一則一斗二升二合

蕩八則一則一斗一則七升一則四升二合一則  
四升一合一則三升五合一則三升三合一則  
三升一則二升

山蕩二則一則三升一則一升五合

每石驗派稅糧除減賦外實徵銀二錢三分五釐

七毫有奇 十銀四分三毫有奇

本色米五斗六合有奇 豆三勺八抄有奇

麥一合一抄有奇 五米五升一勺有奇

荒田平米每石折徵荒銀除減賦外實徵銀三錢

七分九釐六毫有奇

每畝派地畝銀六釐六毫有奇 徭里銀一分三

釐一毫有奇

每石攤徵人丁銀九釐一毫有奇

匠班銀一釐七毫有奇

實徵折色銀七萬一千九百一十二兩九錢九分

五釐四毫有奇遇閏加銀七百六十七兩九錢七分八釐四毫有奇

攤徵人丁銀一千九百五十五兩一錢二分二釐七毫有奇遇閏加銀七十五兩二錢二分二釐七毫有奇

匠班銀三百六十八兩六錢

除閏共實徵銀七萬四千二百三十六兩七錢一分八釐一毫有奇



實徵本色米一十一萬二千五百五十九石三斗  
四升七合有奇遇閏加米一百五十四石四斗八  
升一合有奇

麥二百一十七石一斗一升四合有奇

豆八十一石四斗四升六合有奇

外不在丁田徵解寶帶橋層網租銀二兩五錢

吳縣實在田地山蕩七千一百七十五頃八十九  
畝五分一釐有奇

內則例每畝計算

田三則一則三斗四升四合一則一斗七升二合

一則一斗

地十則一則八斗五升六合一則三斗一則二斗

八升四合一則二斗五升一則二斗三升一則

二斗一則一斗五升一則六升三合一勺一則

五升一則一升五合

山三則一則五升三合五勺一則三升二合一勺

一則一升五合

蕩七則一則二斗五升一則二斗一則一斗五升

一則一斗一則五升一則三升一則一升五合

每石驗派稅糧除減賦外實徵銀二錢五分一釐

五毫

漕贈十銀三分八釐有奇

本色米四斗七升九合五勺有奇 豆三勺六

抄有奇 麥九勺六抄有奇 五米一升九合

有奇

田地並折實山蕩每畝驗派地畝銀六釐四毫有

奇

徭里銀一分九釐九毫有奇

每平米一石攤徵人丁銀二分六釐四毫有奇

匠班銀四釐九毫有奇

實徵折色銀六萬一千六百九十六兩二錢八分

九釐九毫有奇遇閏加銀八百六十五兩九錢二

分六釐五毫有奇

攤徵人丁銀四千七兩四錢九分三釐八毫有奇

遇閏加銀一百六十八兩一錢一分一毫有奇

匠班銀七百五十一兩九錢五分

除閏共實徵銀六萬六千四百五十五兩七錢三分三釐七毫有奇

實徵本色米七萬八千二百四十七石八斗二升六合有奇  
遇閏加米七十三石二斗一升一合有奇

麥一百五十一石八斗六升八合有奇

豆五十六石九斗七升有奇

外不在丁田徵解雜辦銀二千二百四兩九錢二

分六釐八毫有奇

內徵解義租抵給白糧經費銀一千九百八十六兩五錢七分

一釐

又義租抵給南豆貼役銀二百五兩九分

六釐二毫有奇

蘇州衛官署基地陞科銀一十

三兩二錢五分九釐六毫有奇

吳江縣實在田蕩六千四百五頃七十四畝六釐

有奇

內則例每畝計算

田六則一則三斗六升六勺六撮一則三斗一則

二斗五升一則二斗一則一斗五升一則一斗

蕩三則一則七升一則五升一則三升

每石驗派稅糧除減賦外實徵銀二錢六分七釐  
四毫有奇 十銀三分九釐六毫有奇

徵米四斗九升四合九勺有奇 豆三勺七抄  
有奇 麥一合有奇 五米一升九合八勺有  
奇

田並折實蕩每畝派地畝銀六釐九毫有奇 徭

里銀一分二釐三毫有奇  
每平米一石攤徵人丁銀八釐九毫有奇  
匠班銀一釐七毫有奇

實徵折色銀七萬三千四百七十九兩三錢一分  
八釐五毫有奇 遇閏加銀五百三十七兩一錢一  
分六毫有奇

攤徵人丁銀一千八百一十六兩九錢一分八釐  
二毫有奇遇閏加銀七十一兩八錢四分一釐有  
奇

匠班銀三百五十四兩一錢五分

除閏共實徵銀七萬五千六百五十兩三錢八分  
六釐七毫有奇

實徵本色米一十萬四千五百九十二石五斗一  
升有奇遇閏加米六十六石六升六合有奇

麥二百三石一斗八升五合有奇

豆七十六石三斗八升九合有奇

外不在丁田徵解沐庄銀四十七兩五錢六分六

釐

震澤縣實在田蕩六千八百二十五頃五十六畝

六分七釐有奇

內則例每畝計算

田六則一則三斗六升六勺六撮九圭一則三斗

一則二斗五升一則二斗一則一斗五升一則

一斗



蕩三則一則七升一則五升一則三升  
每石驗派稅糧除減賦外實徵銀二錢六分七釐

四毫有奇 十銀三分九釐六毫有奇

徵米四斗九升四合九勺有奇 豆三勺七抄

有奇 麥一合有奇 五米一升九合八勺有

奇

田及折實蕩每畝派地畝銀六釐九毫有奇 徭

里銀一分二釐三毫有奇

每平米一石攤徵人丁銀九釐五毫有奇

匠班銀一釐七毫有奇

實徵折色銀八萬三千七百七錢三分四毫有奇

遇閏加銀五百八十四兩二錢三分三釐二毫有

奇

攤徵人丁銀二千一百三兩八錢八分二釐六毫  
有奇遇閏加銀八十三兩二錢二釐五毫有奇

匠班銀三百九十兩六錢

除閏共實徵銀八萬二千五百三十二兩二錢一  
分三釐有奇

實徵本色米一十一萬四千三石一斗三升有奇  
遇閏加米七十石二斗一升六合有奇

麥二百二十一石三斗六合有奇

豆八十二石八斗三升二合有奇

常熟縣實在田地蕩灘九千三百九十二頃一十

一畝一分七釐有奇屋基一百六十二間半

內則例每畝計算

田四則一則三斗二升一則二斗五升一則二斗

地三升一則一斗九升  
一則六升三合三勺

蕩一則三升

灘八則一則一斗八升一則一斗六升一則一斗

五升一則一斗二升一則一斗一則九升一則

五升二合一則五升

每石驗派稅糧除減賦外實徵銀二錢六分九釐  
八毫十銀四分一毫有奇

本色米四斗九升七合三勺有奇 豆三勺七抄有奇 麥一合有奇 五米二升五抄有奇

田並折實地蕩灘每畝驗派地畝銀六釐八毫有奇

奇

徭里銀七釐五毫有奇

每平米一石攤徵人丁銀四釐三毫有奇

匠班銀一釐一毫有奇

實徵折色銀八萬一千五百一十二兩八錢六分

二釐一毫有奇遇閏加銀六百二十九兩七錢五

分八毫有奇

攤徵人丁銀九百六十四兩一錢一分七釐有奇

遇閏加銀一十九兩四錢三分一釐五毫有奇

匠班銀二百五十兩四錢九分一釐七毫有奇

除閏共實徵銀八萬二千七百二十七兩四錢七分八毫有奇

實徵本色米一十一萬二千五百九十八石五斗二升一合有奇  
遇閏加米八十二石一斗八升九合有奇

麥二百二十石九升六合有奇

豆八十二石五斗六升五合有奇

昭文縣實在田地蕩灘七千八百三頃二十四畝  
九分八釐有奇

內則例每畝計算

田四則一則三斗二升一則二斗五升一則二斗

三升一則一斗九升

地二則一則八升一則六升三合三勺

蕩一則三升

灘七則一則一斗八升一則一斗六升一則一斗

五升一則一斗一則九升一則五升二合一則

五升

每石除減賦外驗派稅糧銀二錢六分九釐八毫

有奇 十銀四分一毫有奇

本色米四斗九升七合三勺有奇 豆三勺七

抄有奇 麥一合有奇 五米二升五抄有奇

日並折實地蕩灘每畝驗派地畝銀六釐八毫有奇

每平米一石攤徵人丁銀四釐一毫有奇  
匠班銀一釐一毫有奇

實徵折色銀六萬七千三十四兩四錢九分三釐  
四毫有奇過閏加銀五百一十三兩九錢九分四  
釐八毫有奇

攤徵人丁銀七百四十兩一錢六分九釐七毫有  
奇過閏加銀一十五兩五分四釐五毫有奇

匠班銀一百九十九兩四錢八分一釐六毫有奇

除閏共實徵銀六萬七千九百七十四兩一錢四分四釐七毫有奇

實徵本色米九萬一千八百四十八石四斗二升九合有奇遇閏加米六十七石五升九合有奇

麥一百七十九石五斗九合有奇

豆六十七石三斗三升九合有奇

崑山縣實在田地蕩五千七百四十三頃七十五畝八分一釐有奇又蘆草田地蕩二百五十二頃



二畝五分八釐有奇

內則例每畝計算

田二十四則一則三斗三升五合一則三斗二合  
六勺一則三斗一則二斗八升一則二斗六升  
一合一則二斗五升六勺一則二斗五升一則  
二斗二升七合一則二斗二升二合一則二斗八合  
二斗二升一則二斗一升二合一則二斗八合  
七勺一則二斗一則一斗八升一則一斗七升  
一則一斗五升九合一則一斗四升一則一斗五升三合  
一則一斗五升一則一斗四升三合一勺六抄  
一則一斗四升一合一勺一則一斗二升五合  
地六勺八抄一則一斗一則八升一則五升  
三則一則二斗二升一則一斗三升一合一抄  
一則一斗三升  
蕩三十三則一則三斗三升五合一則三斗三升

一則三斗二升五合二勺一抄一則三斗一則  
二斗九升八勺五抄一則二斗八升一則二斗  
六升二合三勺一則二斗五升一則二斗二升  
一則二斗三合九勺一則二斗一則一斗九升  
一則一斗八升三合一則一斗八升二合五勺  
一則一斗八升一則一斗七升一則一斗六升  
一則一斗五升一則一斗四升一合三勺一則  
一斗四升一則一斗三升一則一斗二升一則  
一斗一升一則一斗一則九升六合三勺一則  
八升一則七升五合一則七升一則六升一則  
五升三合三勺一則五升一則三升二合三勺  
一則三升

每石驗派稅糧除減賦外實徵銀二錢八分一釐  
四毫有奇 十銀三分九釐二毫有奇

本色米四斗八升五合五勺有奇 豆三勺七  
抄有奇 麥九勺九抄有奇 五米一升九合

六勺有奇

田地並折實蕩每畝派地畝銀六釐七毫有奇

徭里銀一分二毫有奇

每平米一石攤徵人丁銀四釐七毫有奇

匠班銀九毫六絲有奇

實徵折色銀六萬六千五百九十九兩四錢五釐

七毫有奇遇閏加銀七百五十四兩八分九釐四

毫有奇

攤徵人丁銀八百三十七兩四錢四分二釐有奇

遇閏加銀二十五兩二錢五分六釐二毫有奇

匠班銀一百六十九兩六錢

除閏共實徵銀六萬七千六百六兩四錢四分七釐七毫有奇

實徵本色米八萬八千六百四十五石九斗四合有奇  
遇閏加米一百七十四石二斗六升九合有奇

麥一百七十三石八斗四升四合有奇

豆六十五石二斗一升四合有奇



地三則一則二斗二升一則一斗三升一合五抄  
一則一斗三升

蕩

二十五則一則三斗三升五合一則三斗一則  
二斗九升八勺五抄一則二斗八升一則二斗  
七升九合五勺一則二斗六升二合三勺一則  
二斗五升一則二斗三升一則二斗二升一則  
二斗一升一則二斗一則一斗八升一則一斗  
七升一則一斗五升一則一斗四升一則一斗  
一則一斗四升一則一斗三升一則一斗二升  
一則一斗一則八升一則七升一則六升一則  
五升七合一則五升一則三升  
每石驗派稅糧除減賦外實徵銀二錢八分一釐  
四毫有奇 十銀三分九釐二毫有奇  
本色米四斗八升五合五勺有奇 豆三勺七  
抄有奇 麥九勺九抄有奇 五米一升九合  
六勺有奇

田地並折實蕩每畝派地畝銀六釐七毫有奇  
徭里銀一分二毫有奇

每平米一石攤徵人丁銀四釐六毫有奇

匠班銀九毫三絲有奇

實徵折色銀六萬六千三百九十五兩四錢六分  
九釐有奇遇閏加銀七百五十二兩八錢六分一  
毫有奇

攤徵人丁銀八百一十三兩三錢二分二釐九毫  
有奇遇閏加銀二十四兩五錢二分七釐八毫有  
奇

匠班銀一百六十五兩二錢

除閏共實徵銀六萬七千三百七十三兩九錢九分一釐九毫有奇

實徵本色米八萬九千二百二十三石五斗八升五合有奇  
遇閏加米一百七十六石六斗三合有奇

麥一百七十四石九斗七升五合有奇

豆六十五石六斗三升八合有奇



松江府

國朝原額田地山蕩水淩四萬二千五百二十一頃六十八畝九分有奇各科則不等折實田四萬一千四百二十四頃五十七畝二分四釐有奇

節年開除坍荒及公占田地七百九十一頃三十三畝九釐有奇

節年增陞田地二百四十二頃二十四畝五分五釐有奇

雍正十三年實在田地等四萬八百七十五頃四十八畝七分有奇

實徵折色等銀內雍正三年蒙

恩免浮糧銀除一十五萬兩外實徵銀五十二萬八十一兩一錢四分一釐有奇遇閏加銀二千七百八十二兩一錢七釐四毫有奇

攤徵人丁銀四千四百八十四兩三錢六分五釐四毫有奇遇閏加銀一百二十七兩一錢八分五

釐八毫有奇

匠班銀六百八十一兩二錢七分八釐四毫

除閏共實徵銀五十二萬五千二百四十六兩七錢八分四釐八毫有奇

實徵本色米四十四萬三千二百九十六石四斗七升五合有奇  
遇閏以增抵減外仍減米四百五十石四斗三升七合有奇

外不在丁田雜辦除義米折外實徵銀一千四百

一十七兩一錢四釐五毫有奇

華亭縣實在田地等五千二百八十六頃六十畝

四分六釐有奇

內則例每畝計算

上鄉熟田科平米三斗六升五合

中鄉熟田科平米三斗二升

下鄉熟田科平米二斗七升五合

低薄田每一畝五分准熟田一畝

新荒田每二畝准熟田一畝

舊荒田每三畝准熟田一畝

得業蕩科平米一斗五升每二畝准熟田一畝

柴蕩科平米一斗每三畝准熟田一畝

草蕩水漫科平米五升每六畝准熟田一畝

折糧項下上鄉止五錢折糧熟田中鄉下鄉有五錢折糧熟田原折四錢今復五錢折糧熟田及不等田蕩科糧與徵糧項下同

內護塘之外去海畧遠原折四錢今復五錢折糧不耗熟田外護塘之內切近於海四錢折糧斤鹵起運熟田斤鹵存留熟田俱科二斗四升五

合加科得業蕩每一畝四分准熟田一畝每徵糧平米一石科稅糧除減賦外實徵銀三錢一分六釐四毫有奇 十銀三分一釐五毫有奇

本色米四斗三升六合四勺有奇 五米一升五合七勺有奇

每五錢折糧平米一石科稅糧除減賦外實徵銀四錢九分八釐四毫有奇

每原折四錢今復五錢折糧平米一石科稅糧除減賦外實徵銀四錢七分六釐八毫有奇

每斤鹵起運四錢折糧平米一石派稅糧除減賦  
外實徵銀四錢五分五毫有奇

每斤鹵存留四錢折糧平米一石派稅糧除減賦  
外實徵銀三錢五分八釐九毫有奇 徭里銀

九釐三毫有奇  
折實田每畝驗派地畝除減賦外實徵銀七釐一

毫有奇  
准熟折實田每畝攤徵人丁銀一釐有奇

匠班銀一毫有奇

實徵折色銀六萬八千三百七十二兩三錢二分  
九釐一毫有奇遇閏加銀三百七十一兩五錢九  
分有奇

攤徵人丁銀五百五十一兩七分三釐一毫有奇

遇閏加銀一十八兩七錢四分六釐二毫有奇

匠班銀九十九兩二錢七分七釐二毫

除閏共實徵銀六萬九千二十二兩六錢七分九釐五毫有奇

實徵本色米五萬六千四百九十七石七斗四升  
二合有奇遇閏以增抵減外仍減米六十三石五  
斗五升九合有奇

外不在丁田雜辦除義米折外實徵銀三百三十

兩八分八釐

內漁課銀七十三兩二錢 門攤課銀二百五十六兩八錢八分八釐

奉賢縣實在田地等五千二百四十八頃六十五

畝四分六釐有奇

內則例每畝計算

徵糧項下中鄉熟田科平米三斗二升

下鄉熟田科平米二斗七升五合

加科低田每一畝四分准熟田一畝

低薄田每一畝五分准熟田一畝

山每二畝准熟田一畝

新荒田每二畝准熟田一畝

舊荒田每三畝准熟田一畝



得業蕩科平米一斗五升每二畝准熟田一畝  
柴蕩科平米一斗每三畝准熟田一畝

草蕩水漚科平米五升每六畝准熟田一畝  
折糧項下下鄉有五錢並原折四錢今復五錢其

准熟田畝科與徵糧項下同

外護塘之內切近於海四錢折糧斥鹵田科二斗

四升五合

每徵糧平米一石科稅糧除減賦外實徵銀三錢

一分六釐四毫有奇 十銀三分一釐五毫有

奇

本色米四斗三升六合四勺有奇 五米一升

五合七勺有奇

每五錢折糧平米一石科稅糧除減賦外實徵銀

四錢九分八釐四毫有奇

每原折四錢今復五錢折糧平米一石科稅糧除

減賦外實徵銀四錢七分六釐八毫有奇

每斤鹵存留四錢折糧平米一石派稅糧除減賦  
外實徵銀三錢五分八釐九毫有奇

折實田每畝驗派地畝除減賦外實徵銀七釐一  
毫有奇 徭里銀九釐三毫有奇

准熟折實田每畝攤徵人丁銀一釐有奇  
匠班銀一毫有奇

實徵折色銀六萬六千三百七十一兩七錢六分  
一釐三毫有奇遇閏加銀三百六十一兩八錢六  
分四釐四毫有奇

攤徵人丁銀五百四十七兩一錢一分八釐五毫  
有奇遇閏加銀一十八兩四錢九分八釐六毫有

奇

匠班銀一百一十二兩二分八釐四毫

除閏共實徵銀六萬七千三十兩九錢八釐二毫  
有奇

實徵本色米四萬九千六十六石六斗二升四合  
有奇  
遇閏以增抵減外仍減米五十五石二斗一  
合有奇

外不在丁田除義米折外實徵漁課銀七十二兩

一錢七分五釐六毫

婁縣實在田地等四千五百八十二頃七十二畝

一分九釐

內則例每畝計算

徵糧項下上鄉熟田科平米三斗六升五合

中鄉熟田科平米三斗二升

下鄉熟田科平米二斗七升五合

加科低田每一畝四分准熟田一畝

低薄田每一畝五分准熟田一畝

山二畝准熟田一畝

新荒田每二畝准熟田一畝

舊荒田每三畝准熟田一畝

得業蕩科平米一斗五升每二畝准熟田一畝

柴蕩科平米一斗每三畝准熟田一畝

草蕩水澆科平米五升每六畝准熟田一畝

折糧項下上鄉止五錢折糧熟田中鄉下鄉有五

錢折糧熟田原折四錢今復五錢熟田及不等

田蕩科糧與徵糧項下同

每徵糧平米一石科稅糧除減賦外實徵銀三錢

一分六釐四毫有奇 十銀三分二釐三毫有

奇

本色米四斗三升四合八勺有奇 五米一升

六合一勺有奇

每五錢折銀平米一石科稅糧除減賦外實徵銀

四錢九分七釐五毫有奇

每原折四錢今復五錢折糧平米一石科稅糧除

減賦外實徵銀四錢七分五釐九毫有奇

每斤鹵存留四錢折糧平米一石派稅糧除減賦

外實徵銀三錢五分八釐有奇

每准熟田一畝除減賦外驗派地畝銀七釐一毫有奇  
徭里銀九釐三毫有奇

准熟折實田每畝攤徵人丁銀一釐二毫有奇  
匠班銀一毫四絲有奇

實徵折色銀六萬六千六百七十六兩一錢二分  
五釐三毫有奇遇閏加銀三百四十四兩一分二釐三毫有奇

攤徵人丁銀五百五十七兩三錢四分六毫有奇  
遇閏加銀一十七兩八錢四分三釐五毫有奇

匠班銀六十二兩八錢四分五釐二毫

除閏共實徵銀六萬七千二百九十六兩三錢一分一釐二毫有奇

實徵本色米六萬二千二十石一斗八升八合有奇  
遇閏以增抵減外仍減米八十一石七斗六升五合有奇

外不在丁田雜辦除義米折外實徵銀五百一十

一兩八錢八分三釐

內漁課銀九十二兩六錢八分四釐  
門攤課鈔銀四百

一十九兩一錢九分九釐

金山縣實在田地等三千七百二十頃九十八畝

四分四釐有奇

內則例每畝計算

徵糧項下上鄉熟田科平米三斗六升五合

中鄉熟田科平米三斗二升

下鄉熟田科平米二斗七升五合

加科低田每一畝四分准熟田一畝

低薄田每一畝五分准熟田一畝

山二畝准熟田一畝

新荒田每二畝准熟田一畝

舊荒田每三畝准熟田一畝

得業蕩科平米一斗五升每二畝准熟田一畝

柴蕩科平米一斗每三畝准熟田一畝

草蕩水漚科平米五升每六畝准熟田一畝



折糧項下上鄉止五錢折糧熟田中鄉下鄉有五錢折糧熟田原折四錢今復五錢熟田及不等

田蕩科糧與徵糧項下同

內護塘之外去海畧遠原折四錢今復五錢折糧不耗熟田外護塘之內切近於海四錢折糧斤鹵起運熟田斤鹵存留熟田俱科平米二斗四升五合

加科得業蕩每一畝四分准熟田一畝

每徵糧平米一石科稅糧除減賦外實徵銀三錢一分六釐四毫有奇 十銀三分二釐三毫有

奇

本色米四斗三升四合八勺有奇 五米一升

六合一勺有奇

每五錢折糧平米一石科稅糧除減賦外實徵銀

四錢九分七釐五毫有奇

每原折四錢今復五錢折糧平米一石科稅糧除

減賦外實徵銀四錢七分五釐九毫有奇  
每斤鹵起運四錢折糧平米一石派稅糧除減賦

外實徵銀四錢四分九釐八毫有奇  
每斤鹵存留四錢折糧平米一石派稅糧除減賦

外實徵銀三錢五分八釐有奇  
折實田每畝驗派地畝除減賦外實徵銀七釐一

毫有奇  
徭里銀九釐三毫有奇  
淮熟折實田每畝攤徵人丁銀一釐二毫有奇

匠班銀一毫八絲有奇

實徵折色銀四萬八千六百六十一兩五錢九分

九釐七毫有奇遇閏加銀二百六十二兩一錢四

分五釐七毫有奇

攤徵人丁銀四百五十二兩五錢四分一釐三毫  
有奇遇閏加銀一十一兩二錢五分一釐四毫有  
奇

匠班銀六十七兩八錢五分四釐六毫

除閏共實徵銀四萬九千一百八十一兩九錢九  
分五釐七毫有奇

實徵本色米四萬九千八百九十三石五斗三升  
六合有奇遇閏以增抵減外仍減米五十九石六

斗五升二合有奇

外不在丁田除義米折外實徵漁課銀八十六兩  
二錢七分四釐

上海縣實在田地等七千六百二十九頃四畝八  
分二釐有奇

內則例每畝計算

徵糧項下上鄉熟田科平米二斗九升五合

下鄉熟田科平米二斗三升五合

各鄉傍浦留步熟田每一畝四分准熟田一畝

低薄田每一畝五分准熟田一畝

傍浦留步低薄田每二畝一分准熟田一畝

得業蕩每二畝准熟田一畝

傍浦留步得業蕩每二畝八分准熟田一畝

柴蕩每三畝准熟田一畝

傍浦留步柴蕩每四畝二分准熟田一畝

草蕩水淩每六畝准熟田一畝

傍浦留步草蕩每八畝四分准熟田一畝以上俱

科平米三斗

護塘外熟田科平米二斗五合

折糧項下上鄉熟田低薄田下鄉得業蕩柴蕩草

蕩科則准熟田俱與徵糧上下鄉相同

陸科新墾城濠官地科五升每六畝准熟田一畝

每徵糧平米一石除減賦外實徵稅糧銀三錢三

分九釐八毫有奇 十銀二分九釐八毫有奇

本色米四斗八合三勺有奇 五米一升四合

九勺有奇

每折糧平米一石驗派稅糧除減賦外實徵銀四

錢九分三釐有奇

每畝科徭里銀八釐九毫有奇

九釐地畝除減賦外實徵銀七釐八絲有奇  
每畝攤徵人丁銀一釐一毫有奇

匠班銀一毫有奇

實徵折色銀九萬八千五百三十六兩六錢二分  
八釐七毫有奇遇閏加銀四百八十一兩三錢七  
分二釐七毫有奇

攤徵人丁銀八百三十七兩一錢四分四釐二毫  
有奇遇閏加銀一十九兩二錢九分一釐六毫有

奇

匠班銀一百一十三兩八錢五分

除閏共實徵銀九萬九千四百八十七兩六錢二分二釐九毫有奇

實徵本色米七萬三千二百七十三石七斗一合有奇遇閏以增抵減外仍減米三十一石二斗四升四合有奇

外不在丁田雜辦除義米折外實徵銀一百三十

二兩八錢四分四釐六毫有奇  
內漁課銀四十八兩八錢四分四釐  
六毫有奇 門攤課鈔銀八十四兩

南匯縣實在田地等七千三十四頃二十五畝九分八釐有奇

內則例每畝計算

徵糧項下上鄉熟田科平米二斗九升五合

下鄉熟田科平米二斗三升五合

各鄉傍浦留步熟田每一畝四分准熟田一畝

低薄田每一畝五分准熟田一畝

傍浦留步低薄田每二畝一分准熟田一畝

得業蕩科平米一斗五升每二畝准熟田一畝

柴蕩科平米一斗每三畝准熟田一畝



草蕩科平米五升每六畝准熟田一畝  
護塘外熟田科平米二斗五合

折糧項下下鄉熟田科平米二斗三升五合  
每徵糧平米一石除減賦外實徵稅糧銀三錢三

分九釐八毫有奇 十銀二分九釐八毫有奇  
本色米四斗八合三勺有奇 五米一升四合

九勺有奇

每折糧平米一石科稅糧除減賦外實徵銀四錢

九分三釐有奇

每畝科徭里銀八釐九毫有奇

九釐地畝除減賦外實徵銀七釐八絲有奇  
每畝攤徵人丁銀一釐一毫有奇

匠班銀一毫有奇

實徵折色銀七萬三千七百九十一兩二錢七分

一釐九毫有奇遇閏加銀四百五十一兩二錢六毫有奇

攤徵人丁銀七百九十兩八分一釐五毫有奇遇閏加銀一十八兩二錢一分一釐七毫有奇

匠班銀一百二十二兩九錢五分八釐

除閏共實徵銀七萬四千七百四兩三錢一分一釐四毫有奇

實徵本色米七萬六百一十七石三斗六升七合

有奇遇閏以增抵減外仍減米三十石一斗一升  
七合有奇

外不在丁田雜辦除義米折外實徵銀六十八兩

七錢七分

內漁課銀五十二兩八錢  
攤課鈔銀一十五兩九錢七分

門

青浦縣實在田地等三千二百一十五頃九十畝

六分有奇

內則例每畝計算

徵糧項下華上鄉熟田科平米三斗六升五合

華中鄉熟田科平米三斗二升

各鄉低薄田山新荒田舊荒田得業蕩柴蕩草蕩

水漚科則及淮熟田俱與華亭縣相同  
海上鄉熟田科平米二斗九升五合

低薄田新荒田舊荒田得業蕩柴蕩草蕩水漚科  
則及淮熟田地俱與上海縣相同

折糧項下華上鄉華中鄉海上鄉及不等田蕩科  
則淮熟田與徵糧項下同

每徵糧平米一石驗派稅糧除減賦外實徵銀三  
錢一分六釐有奇 十銀三分二釐六毫有奇

本色米四斗四升一合一勺有奇 五米一升  
六合三勺有奇

每折糧平米一石派稅糧除減賦外實徵銀四錢  
八分一釐有奇

折實田每畝派地畝除減賦外實徵銀七釐四毫  
有奇 徭里銀一分一釐一毫有奇

每畝攤徵人丁銀一釐有奇  
匠班銀二毫有奇

實徵折色銀四萬四千兩七錢七分六釐三毫有奇  
遇閏加銀二百四十兩五錢九分有奇

攤徵人丁銀三百二十六兩七錢三分三釐五毫  
有奇遇閏加銀九兩九錢一分六釐五毫有奇

匠班銀六十三兩七錢五分六釐

除閏共實徵銀四萬四千三百九十一兩二錢六  
分五釐九毫有奇

實徵本色米四萬九千八百九十四石九斗五合

有奇遇閏以增抵減外仍減米七十八石八斗四升七合有奇

外不在丁田雜辦除義米折外實徵銀一百六十

二兩二錢七分七釐

內漁課銀一百二十兩五錢  
門攤課鈔銀四十一兩七

錢七分  
七釐

福泉縣實在田地等四千一百五十七頃三十畝七分二釐有奇

內則例每畝計算

徵糧項下華中鄉熟田科平米三斗二升

低薄田山新荒田舊荒田得業蕩草蕩水澆科則  
及准熟田地俱與華亭縣相同

海中鄉熟田每畝科平米二斗六升五合  
低薄田山新荒田舊荒田得業蕩柴蕩草蕩水澆

科則及准熟田地俱與上海縣相同  
折糴項下華中鄉海中鄉不等田蕩科則及准熟

田畝與徵糴項下同  
每徵糴平米一石驗派稅糴除減賦外實徵銀三

錢一分六釐有奇 十銀三分二釐六毫有奇  
本色米四斗四升一合一勺有奇 五米一升

六合三勺有奇  
每折糴平米一石派稅糴除減賦外實徵銀四錢

八分一釐有奇  
折實田每畝派地畝除減賦外實徵銀七釐四毫

有奇 徭里銀一分一釐一毫有奇  
每畝攤徵人丁銀一釐二絲有奇

匠班銀九絲有奇

實徵折色銀五萬三千六百七十兩六錢四分八釐六毫有奇遇閏加銀二百六十九兩三錢三分一釐四毫有奇

攤徵人丁銀四百二十二兩三錢三分二釐三毫有奇遇閏加銀一十三兩四錢二分六釐有奇

匠班銀三十八兩七錢九釐

除閏共實徵銀五萬四千一百三十一兩六錢九



分有奇

實徵本色米三萬二千三十二石四斗八合有奇  
遇閏以增抵減外仍減米五十石四升八合有奇  
外不在丁田雜辦除義米折外實徵銀五十二兩

七錢九分二釐三毫

內漁課銀一十一兩一分五釐三毫

門攤課鈔銀四十

一兩七錢七分七釐

江南通志卷六十九